

世家

忠烈王

忠宣王

忠肅王

忠惠王

忠穆王

忠定王


恭愍王

恭讓王

彙纂麗史三

卷二十二

16
4062
3



門 伊 6
號 4062
卷 223

木齋家孰彙纂麗史卷之五

世家五

忠烈王世家

王名昉舊名諶元宗元子母順敬后金氏高宗二十三年丙申

生高宗薨以太孫權監國事元宗元年冊太子十五

年如元尚元主女長公主元宗薨遙尊為王八月至

自元即位於康安殿王南面詔使東嚮以王駙馬故

面宋度宗崩賈似道立嘉國公熈時元命平章事史

天澤左丞相伯顏率師侵宋冬十月都督使金方慶

將中軍金侁為左軍使金文庇為右軍使號三翼軍



與元元帥忽敦洪茶丘劉復亨領蒙漢兵二萬五千
我師萬餘人征日本發合浦越十一日至一歧島倭
兵陣於岸上諸將力戰斬千餘級遂舍舟三郎浦分
道而進倭兵大敗伏屍如麻方慶請復決戰忽敦不
聽乃引師還會夜大風雨戰艦觸巖崖多破金佖墮
水死還至合浦軍未還者無慮萬三千餘人十一月
公主至自元王親逆于西北以胡服同輦入國觀者
驚怪時從行宰臣不開刺王責之令前驅擊逐禮服
者百官奔迸失次然父老相慶曰不圖百年鋒鏑之
餘復見太平之期遣李信孫如元乞免置勸農使奏

曰小邦猶有國名想於聖意謂不至此然所恨三韓
之地未得一經天鑑耳望以勸農之事一委於臣臣
當激勸百姓以副聖上憂民之意十二月伯顏濟江
沿江諸將望風款附元年乙亥為德祐元年史天澤
卒春正月忽敦北還宋賈似道出師及元人戰于丁
家洲孫虎臣夏竦道似道鳴鑼一聲十三萬眾一時
潰散似道奔還揚州請遷都以避元師太后不許鄂
州都統張世傑江西提刑文天祥起兵入衛元師乘
勝東下矣宣諭日本使侍郎殷世忠來夏六月庚子
朔日食宋朔食既晝晦如夜宋誅賈似道陳宜中作相時勤王

師尚四十萬人天祥世傑皆欲一戰宜中不許遣使
奉表稱臣于元伯顏不聽命益王信王鎮二廣二年
春正月伯顏進薄臨安宜中白太后上傳國璽以降
帝及太后福王沂王侍從三學士皆被詔北行益王
即位於福州端為王與公主觀獵于猫弗自此幸進
處女子于元改宣旨曰王旨朕曰孤赦曰宥奏曰呈禮
花赤詰其僭禮故請改之耽羅星主來朝王請朝于元元主勅停
之元遣使採金于洪州計七十日用夫工一萬千秋
九月元以平定江淮遣不花來詔赦天下三年春正
月册子諱為王世子朱悅如元丞相哈伯謂悅曰北

鄙有警宜出兵相助遣張舜龍請助征北鄙都親海

省牒云脫歡八都兒已殺退爾軍不須來忻都之子

琪娶安平公女秋七月王暴得疾宰臣請停營繕縱

鷹坊公主許之我國多山俗不作高屋公慶尚道饑

減租稅四年春正月韋得儒誣告金方慶謀叛王與

忻都鞫之方慶不服流之大青島夏四月王及公主

世子如元元主勅金方慶韋得儒從王入朝對辨忻

都北還王至元設帳于開平府元主遣皇子脫歡郊

勞秋七月王謁元主奏曰聞車駕將北征臣請躬備

戎行元主笑曰北方人已奔潰矣王曰日本恃險不

庭臣願更造船請兵聲罪致討元主曰王歸與宰相
孰計王又奏曰陛下釐降公主小邦生民庶有聊生
之望然茶丘在焉臣之爲國不亦難乎如茶丘者只
宜理會軍事至於國家事皆欲擅斷其置達魯花赤
於南方亦非臣所知也伏望召還茶丘以輯寧東國
元主曰此易事耳有間曰惟堯舜禹湯能行帝王之
道其後君弱臣強衣食皆請於臣昔有一君嗜羊肉
其臣與之則食不與則不得食宋度宗在此幼兒之
父也賈似道擅權使出其愛妾不得已從之安有君
而畏臣去其寵姬哉王之父王何不免林衍擅廢邪

朕聞王亦信宰相之誘如此而能治國則固善如其
不能不足愧乎對曰茶丘之妄言也元主曰人多言
之汝可與宰相擇所以善持國者商量而行王因及
方慶被誣之狀元主曰然顧謂官人曰亟召茶丘還
又問忻都何如對曰使茶丘在雖忻都不能不信因
問康守衡曰高麗服色何如對曰服韃靼衣迎詔時
以高麗服將事元主曰人謂朕禁高麗服豈其然乎
汝國之禮何遽廢也時宰相百官多開剗錄累朝事者非出於帝命也
蹟及歸附年月呈國史院他日元主問官軍騷擾事
忻都侍王謂忻都曰爾麾下侵吾兒家執而杖之吾

兒家尚未免况百姓乎汝等訴予以不能安集百姓
汝之騷擾若是予烏能安集哉時韋得儒暴死元主
赦方慶還遂命罷忻都茶丘軍及種田軍人合浦鎮
戍皆還王將退復召至前曰朕不識字麤人你識字
精細人其聽朕言成吉思皇帝嘗曰人苟少有孝心
天必知之你欲享我將汝一瓶酒來是亦孝也王曰
諸軍還乞禁驅迫良民元主曰朕既有言誰敢將汝
一民來王請達魯花赤元主曰汝自好為之王又請
留合浦鎮戍以備倭元主曰其能無害於汝民乎汝
可自用汝人鎮戍倭寇不足畏也癸卯王辭歸元主

使恟薛旦安禿丘護王至北京脫歡以達達歌侑觴

王使忽赤歌感皇恩曲以酬之達魯花赤經歷張國

綱北還

國綱處事清平多所裨益

秋九月王至自元是行也一切

奏除侵擾事國人頌德感泣元歸我谷州遂安殷栗

三邑不曾投拜崔坦

冬十二月辛卯王如元丁未至

燕京五年春正月王在元元主賜宋寶器鳳瓶玉笛

九十事二月丁亥王至自元元張弘範襲崖山破之

陸秀夫負帝赴海死宋亡先是宋端宗崩于碭州羣

臣多欲散去陸秀夫曰度皇一子尚在將焉置之古

人有以一旅一成中興者今百官有司皆具士卒數

萬天若未欲絕宋此其不可爲國邪乃與衆共立廣
王時年八歲矣張世傑以碭州不可居崖山在廣中
去潮廣各四百里兩山相對中有一港可藏舟乃奉
帝移駐結大船千餘作一字陣碇海中中艙外舳貫
以大索四周起樓棚如城堞帝居其間爲死計人皆
危之世傑曰頻年航海何時已乎今須與決勝負至
是張弘範由潮陽港入海獲謀者知帝所在遂引舟
師入大洋與世傑師相遇薄之且出奇兵斷宋師汲
路宋舟堅不能動兵士茹乾糧十餘日大渴下掘海
水飲之水鹹卽溷泄兵士大困弘範遣人諭崖山士

民亦無應者會李恒自廣州以師會弘範乃四分其
軍自將一軍相去里許令諸將曰宋舟西艤崖山潮
至必東遁急攻之聞吾樂作乃戰違令者斬李恒乘
早潮退攻其北世傑以淮兵殊死戰午潮上元軍樂
作世傑以爲且懈不設備弘範以舟攻其南世傑南
北受敵兵士皆疲不能復戰軍大潰元師薄中軍會
日暮風雨昏霧四塞陸秀夫走帝舟帝舟環結不得
出謂帝曰德祐皇帝辱已甚陛下不可再辱卽負帝
同溺楊太后聞之亦赴海死宋亡秋八月日本人殺
元使王遣池瑄如元奏之以許珙洪子藩爲都指揮

使督修戰艦權坦朱悅郭汝弼等為計點使火星食
 月六年監察司論時事王大怒鞠御史沈錫流雜端
 陳侗文應等于海島明日王幸藏經道場見殿後杜
 鵲花盛開題詩一篇令詞臣白文節潘阜郭預等和
 進文節等進言請宥沈錫之罪即命釋之尋又釋侗
 應等夏阿哈馬求女時阿哈馬專權自恣後為益都千戶王著所殺元流皇
 子于大青島秋八月辛未王如元乙未至上都謁帝
 復請東征帝許之乃命忻都茶丘率蒙漢麗軍四萬
 發合浦范文虎率蠻軍十萬發江南俱會日本一歧
 島九月王至自元冬十二月帝冊王為開府儀同三

司中書左丞相中書省事金方慶為管領高麗都元

帥諸將皆賜金牌有差忻都等不得自專朴恒之謀也七年春正月元頒授時

曆許衡所造三月忻都茶丘來時翼祖亦以朝命來見王進退謙肅王

嘉皇后弘吉刺氏殂公主奔喪至懿州帝勅還王與

忻都等議事王南面忻都東面事大以來始有此禮

國人大悅夏四月王幸合浦大閱戍師發合浦由

大明浦至一歧島方慶力戰斬三百餘級倭兵突至

官軍潰茶丘僅免會軍中大疫忻都等屢戰不利且

范文虎過期不至議回軍既而文虎以戰艦三千五

百艘至適值大風船敗蠻軍皆溺死蠻軍者宋兵也十四萬同棲一

山飢不能戰降于倭倭人擇忻都等旋師北還八年
雷工匠及知田者餘皆殺之元乃罷征東行省遣兵四萬餘人戍合浦九年元復
 以阿塔海為征東行省丞相發五衛軍二萬人將征
 日本崔彥言江南盜賊相繼而起皆緣拘水手造海
 船民不聊生日本之役姑宜止之於是免五衛軍征
 日本發萬人赴上都夏五月鄭仁卿還自元王命罷
 造艦十年夏四月王及公主世子如元秋九月王至
 自元十一年春正月元以安童為右丞相遣使來告
 也崔坦來享王元來督造艦調糧皇太子真金卒遣
安公弔太子喪十二年帝詔罷東征命吳良遇等撰國史以將

進于十三年僉議中贊元傳卒宋玠知都僉議事夏
元也五月王聞諸王乃顏叛請舉兵助討帝許之王親統
 前軍出次開城卯山秋八月帝親征乃顏擒之拔其
 城駕還燕京命王乘傳入賀王如元召公主世子入
 朝冬十二月王至自元許珙為僉議中贊十四年以
 乃顏餘黨復叛元請調兵糧赴建州建州距本國三
 千里難於運糧聲言發兵助討鎮雙城以備之十五
 年秋元來徵兵以海都兵犯邊帝欲親征故也遣萬
 戶金忻赴遼陽尋罷還冬十一月王如元十六年春
 三月王至自元帝詔罷東寧府歸我西北諸城夏乃

顏餘黨哈丹入寇命大將軍韓慎禦之王與公主遊
獵不止遣柳庇如元乞師請入江華避賊帝許之冬
十月元遣使頒赦元地大震武平尤甚壓死官民七
千餘人帝憂之詢致災之由議者畏桑哥莫敢指切
時政時帝年寢高弘吉刺后用事桑哥擅權自恣誅
貶忠賢遣忻都等理筭天下錢穀民不聊生自殺者
相屬趙孟頫入奏于帝須下詔蠲除庶幾天變可弭
帝從之遂赦天下明年桑哥伏誅世子如元哈丹犯和登二
州王入江都十七年春正月哈丹踰鐵嶺防守萬戶
鄭守琪望風遁還鐵嶺道隘纒通入哈丹下馬魚

貫而登賊飢甚得守琪遺糧翼行而南入交州道陷
楊根攻原州雉岳城進士元冲甲擊敗之賊鋒挫銳
諸城聞之堅守始有輕賊之心先是遣兵仁求奏乞
師帝曰爾國唐太宗親征尚不克又於我朝初未歸
附征之亦未易捷今此小寇何畏之甚仁求對曰古
今盛衰不同爾帝諭以夜戰命那蠻切大王薛
閣干闥梨帖木兒統兵二萬三千餘人東來三月辛
巳王出迎于藍島那蠻乃請王親禦王辭以老病命
印侯韓希愈金忻將三翼軍助討夏五月賊由忠州
屯燕歧縣諸軍追賊南下丁酉發木州黎明至正左

山下薄賊陣賊驚負險而戰金忻率敢死五百先登
殊死戰斬賊前鋒大呼於是諸軍合擊賊大潰追至
公州河伏屍三十餘里賊千餘騎渡河遁去甲辰復
整兵來鬪大軍縱擊敗之哈丹父子潰圍脫歸薛閣
千軍令嚴肅秋毫不犯併日而行出賊不意二戰而
破皆其力也乙丑大軍北還王欲邀宴薛閣干曰受
命事畢不可留遂行六月帝命運江南米十萬石來
賑之秋八月僉議中贊許珙卒九月帝授世子特進
上柱國賜金印十八年元流哈丹賊黨阿里禿大王
塔也速闍吉出下大王于諸島夏五月世子至自元

閏六月世子如元謁帝于紫檀殿有丁右丞者奏江
南戰船雖大遇觸則毀此范文虎所以失利也如使
高麗造船而再征之日本可取於是帝遣洪君祥來
問東征事王對曰臣不幸隣不庭之俗敢不躬自致
討以效微勞冬十月王以監察御史金有成爲宣諭
使直文翰署郭麟爲書狀官護送入元倭人還其國
仍致書招諭其書曰我國臣事大元恪謹侯度皇帝
特紆寵渥許尚公主冊爲駙馬承襲宗器君臣社稷
禮樂文物一切仍舊百姓按堵樂業安生實輸誠事
大故也且念宋朝軍民不爲不多金湯不爲不固不

知有唐虞之大統自大而不庭皇帝遣學士郝經宣
諭備至宋朝執迷不悛皇帝震怒舉兵致討威聲所
加如石壓卵殄滅國號九廟灰燼三百年積累之基
一朝傾覆乃命設官置省完護遺黎想亦貴國之所
聞悉也噫宋朝雖大逆天而亡我國雖小順天故存
可不戒哉今大元皇帝千載應期神聖文明好生惡
殺德洽羣生普天之下莫不咸戴伏惟貴國念我之
存德宋之亡遣一介之使奉咫尺之書朝於大元則
無損於今有益於後誠貴國社稷之福也有成等既
至日本嘗憾東征拘留不遣二人存歿世莫得聞十

九年帝賜王推忠定遠功臣號陞僉議司秩從二品

遣洪波豆

君祥

夾管造船王請親朝奏東征事宜冬

十月王及公主如元十一月丙子彗犯紫微十二月

王至燕京帝疾篤不得見然寵賚之厚諸王駙馬無

比王更名昨二十年甲午至元三十一年春正月王

在元癸酉帝崩

王以羊十馬一祭于世祖殯殿將使

日豈宜用諸侯之禮

贊成事鄭可臣讀祭文諸大臣止之

祭天子乎遂不讀世祖度量弘廣知人善任使然
不以漢人爲相故相皆國族而又不置諫官文學之
士沈於下僚所用惟吏師而已其爲法如是苟簡貪
婪之風未息云時皇孫鐵木耳摠兵北邊撫伯顏軍

伯顏與海都相持 自軍中奔喪夏四月王如上都迎皇孫甲午即位王表賀訖赴宴王坐第七明日又表請尊皇太后帝以王功大年高詔出入乘小車賜銀三萬兩王見帝請歸耽羅帝從之先是洪君祥白丞相完澤寢東征丹公主為安平公主八月王至自元以洪子藩為僉議中贊尋為令二十一年元貞元年春正月趙仁規為中贊加金方慶僉議令秋八月世子至自元判都僉議司事洪子藩知司事冬世子如元二十二年宥金之淑知僉議司事秋九月王與公主如元以白馬納幣于帝世子尚晉王女

晉王裕宗之子泰定之考後謚顯宗

成宗二十三年大德元年夏五月王與公主至自元兄也公主薨六月世子奔喪至自元殺閹人陶成器等四人又治巫蠱事殺宮人無比國人震懼以鄭可臣為僉議中贊冬世子如元遣趙仁規如元表請傳位世子二十四年戊戌春正月世子及寶塔實憐公主至自元元遣咸寧侯王維詔王傳位於世子封王為逸壽王詔曰卿恪居藩翰茂著勳庸宣力我家歷年滋久比陳衰疾冀脫煩勞乞疏嗣爵之恩將為逸老之計載惟忠懇宜賜允從卿雖耆年國之重務尚資訓導迄用有成王幸康安殿傳位退居德慈官世子即

位奉箋上尊號曰光文宣德太上王夏五月改官制
尋復改官制公主妬王妃趙氏專寵作畏吾兒字書
付闊闊不花等如元奏太后趙妃詛呪公主皇太后
遣蕃僧來被詛呪秋七月僉議中贊鄭可臣卒八月
元遣孛魯兀等趣王公主入朝王如元上王餞于金
郊酒酣孛魯兀以帝命取國王印授上王上王幸壽
寧宮受詔詔曰曩以卿表請授位于世子諶是用詔
諶往嗣王爵國事仍命聽卿訓導今聞莅政以來頗
涉專擅處決失宜衆心疑懼蓋以年未及壯少所經
練故未能副朕委任之意今遣使詔卿依前統理國

政且君諶入侍闕庭使之明習于事孛魯兀之來十
日而國人不知有此詔二十五年春正月元置征東
行省初印侯金忻擅發兵執韓希愈李英柱誣以謀
叛王與左丞哈散鞫之希愈不服元遣塔海來執希
愈等以歸哈散還奏王不能御衆朝廷宜遣官共理
帝從之冬十月遣闊里吉思爲征東行中書省平章
事二十六年夏四月王如元秋王至自元八月三重
大匡僉議令上洛公金方慶卒韓希愈等還自元冬
十月征東省欲革奴婢之法王上表請止十一月闊
里吉思還遣贊成事崔有滄如元王上表曰大德三

年九月中書省奉聖旨添設省官者非為改其國俗亦不欲恒置但以一二惡人故似聞百姓騷擾將使與王作伴鎮安之耳王今未知朕意可具悉為文草奏然後降答使明知朕意臣於今年七月親奉口傳聖旨亦若前秋之命伏望遄降一封綸音為東韓萬世之寶二十七年辛丑大德五年春二月遣瑞興侯瑛入侍于元三月元以闊里吉思不能和輯人民罷之官屬皆北還中郎將朴洪附吉思如元為其腹心謀變國俗不遂而歸夏四月元遣刑部尚書王泰亨來問闊里吉思所奏事自於是併省內外官其官有

有同上國者悉改之又以芟黃代赭袍紅傘代黃傘

除舞蹈警蹕之

禮事目內國王朝會三舉淨鞭山呼

大小四千三百五十五員迎

新送舊百姓自備牛馬云云王狎昵羣小嗜好宴樂

嘗夜燕于香閣覽壁上明皇夜宴圖謂左右曰寡人雖君小國其於遊宴獨不及明皇自復位以來倖臣吳祁金元祥石天補等務以聲色導諛選諸道官妓有色藝者籍置宮中別作一隊戴馬尾笠為男粧教以新聲高低緩急無不中節王幸壽康宮天補輩張幕其側各私名妓歌舞褻慢無復君臣之禮時世子以前王在上國天補等恐王晏駕後世子誅之世子

英果多不徇王意王素不悅至是王既老矣日夜沈
酣不恤政事天補及承旨宋璘等乘間交構王父子
欲以薊國公主嫁瑞興侯為王嗣王惑之夏五月遣
知僉議閔萱如元請罷耽羅摠管府隸本國置萬戶
府又請以忽刺歹等奪占田民悉還本主仍請改嫁
公主中書省奉旨許置耽羅萬戶府其請改嫁表營
不敢進而還秋八月慧見于北斗自正月不雨至于
是月二十八年以宋玠為中贊尋以韓希愈為僉議
中贊兵部知都僉議司事冬十二月王如元命齊安
公淑權署征東省事遼陽省奏請併征東省為一省

移司東京王上表又上中書省書曰世祖皇帝付當
職行征東省事全慶兩處設萬戶府於合浦加德東
萊蔚州竹林巨濟角山內禮梁等所把隘分俵置立
烽燧暗藏兵船日夜巡綽專一隄備日本切詳合浦
等處去遼陽絕遠脫有緊急公事往迴遲滯濶繫利
害不得不啓稟乞令當職依舊行征東省事二十也
年春正月王在元夏五月至自元先是元遣劉濩征
八百息婦濩喪師
辱國致宋隆濟等變亂宣聖十哲像自元來秋七月
按誅劉濩罷雲南分省元遣斷事官帖木不花翰林李學士來捕石冑天補
天卿等赴京洪子藩元冲甲等數兵部罪告于斷事

官帖木兒納祁賂緩其罪八月洪子藩舉兵圍王宮
 執吳祁押送于元九月以洪子藩為左中贊雄尚王
 如元欲沮前王還國至西京不許入朝乃還冬十二
 月帝遣尚書塔察兒翰林王約來王約以置右衛率
 之際為仁宗朝為不可善處危疑
 名臣字彥博約謂曰天地間至親者父子彼小人
 者但知自利寧肯為王國家地邪王感泣謝曰臣老
 耄聽信儉邪是以致此願奉表自雪於是執宋璘及
 吳祁弟巖演衍連趙渡等囚于行省以韓希愈為都
 僉議右中贊金瑋安珣為僉議贊成事遣齊安公淑
 表請前王還國三十年元遣兵部尚書伯伯劉學士

來鞠宋均宋邦英于行省押邦英等送于元夏六月

王詣國學安珣建議置贍學
 錢國學大成殿成元杖流吳祁石天補于

安西三十一年元參知政事忽憐卒于行省忽憐受
 命監國

為王父子事也
 臨死却藥不飲冬十一月王如元洪子藩韓希愈崔

有滄等從行命右中贊金瑋權署行省事三十二年

春正月王在元館于前王第時王欲與前王俱東還

王惟紹宋邦英白王曰前王不自安而怨殿下有年

殿下雖加慈愛適足以賈禍耳且殿下獨不念丁酉

年事乎會一日王更衣出仆地折齒惟紹遂勸王移

寓公主第令宦者李福壽譖前王於皇后及左丞相

阿忽台曰前王素失子道不與公主諧故我王嫉之
欲以瑞興侯爲後前王誠宜悔過自新以供子職昨
我王舍於其第而又不謹侍奉至使仆地折齒我王
雖欲勿怒得乎往者前王自願出家而省官不聽今
若使之祝髮令璵繼尚公主則可以副我王之志也
阿忽台八都馬辛許之王令璵往來公主以挑之公
主與內僚亂前王益不屑故遂屬意於璵惟紹等見
右丞相答刺罕以王言譖前王丞相曰益智禮普化
王世祖之甥寶塔公主宗室女也改嫁廢嫡於理安
乎惟紹陳前王失子道狀丞相曰瑞興亦王子邪曰

否曰誰出惟紹不能對洪子藩等聞之詣中書省言
惟紹等離間王父子逆理亂常請治其罪省官召王
父子面詰之遂拘惟紹等未幾高世金文衍白玉曰
臣等久從羈絏無所報效但願奉殿下東出齊化門
王曰我聞前王遣人於涯頭驛要我渡河而沈之吾
雖老獨不畏死邪於是世等乃與從臣七十人上書
中書省極論惟紹等罪狀且請奉王以還省官奏之
命設宴餞王進驛騎趣王行王無以爲計乃飲藥發
疾自夏至秋不起潛遣人詣行在請與公主俱歸皇
后曰翁與婦偕行可乎我且還都備車帳以送亦未

晚也公主聞惟紹等被拘怒甚召文衍杖之禁從臣
出入王所於是諸從臣皆離散惟祕書丞李兆年不
去秋九月都僉議中贊致仕安珣卒中贊韓希愈慶
興君洪子藩卒于元三十三年春正月王在元帝崩
安西王阿難答與阿忽台等謀奉皇后伯要真氏稱
制而已輔之前王與皇姪愛育黎拔力八達及右丞
相答剌罕等定策迎立懷寧王海山為帝奉皇姪旨
捕王惟紹等囚之於邸遷王於慶壽寺崔有滄為中
贊柳庇李混為贊成事王所任事者悉罷之王拱手
行印而國政盡歸於前王乃誅瑞興侯及王惟紹宋

邦英韓慎宋璘宋義崔涓籍其家夏五月王至自元
懷寧王自按台山至上都即位以母弟愛育黎拔力
八達為皇太子秋八月元冊王行中書省右丞相三
十四年戊申至大元年秋七月王薨壽七十三葬慶
陵王性寬厚喜怒不形於色幼嚮學讀書知大義嘗
與金壇李松縉等唱和有龍禮集行于世

史臣曰忠烈之世內則權臣擅政外則強敵來侵禍
變極矣一朝誅戮權臣歸附上國天子嘉之釐降公
主再朝京師敷奏東方之弊召還官軍東民以安奈
何驕心遽生耽于遊畋廣置鷹坊使惡少李貞輩侵

暴州郡溺於宴樂唱和龍樓僧祖英等昵近左右及其晚年過聽左右之譖至欲廢嫡而立姪其在東宮雖曰明習典故讀書知大義果何用哉

忠宣王世家

王名璋字仲昂蒙諱益智禮普化忠烈王元子母曰齊國長公主忠烈王元子三歲冊為王世子九歲聞忠烈出獵泣乳媪問之曰今茲百姓困窮農務方殷父王何為遠獵內侍以白忠烈曰異哉小兒嘗見人衣敝褐負柴入宮門使問之對曰將作署其人也王曰我美衣服而百姓若此於心安乎嘗踞內僚元奕膝

上從容謂王曰人主不宜聰察太過王作色曰儵輩欲我癡暗持弄掌上如軟餅乎奕懼王之穎悟不凡類此忠烈十七年世祖授王世子金寶十八年如元世祖御紫檀殿引見問本國事王奏對明暢一日問曰讀何書對曰讀通鑑帝曰歷代帝王孰賢對曰漢高祖唐太宗曰漢祖唐宗孰與朕對曰臣年少何足以知之帝笑曰然問於宰相以來二十一年成宗冊王儀同三司領都僉議司賜兩臺銀章明年尚晉王甘麻刺女二十四年春正月元遣使冊為國王封忠烈為逸壽王王率百官詣德慈宮上太上王尊號王

紫袍太上王衣黃袍受賀時稱三韓盛事王既踐位
 多更改舊章秋八月元遣李魯元來趣王入朝取國
 璽授太上王復位自是王在元宿衛凡十年武宗仁
 宗龍潛與王同卧起晝夜不相離三十三年成宗崩
 丞相阿忽台平章八都馬辛等謀奉安西王爲亂時
 武宗爲懷寧王在漠北遠不能猝至仁宗自懷州入
 大都與王定策迎立懷寧王率衛士入內捕阿忽台
 等使王及院使別不花按誅之懷寧王至上都卽位
 論定策功進封瀋陽王入中書省參議政事賜金虎
 符七月忠烈薨王自大都奔喪在途星行十餘日乃

至八月壬子詣殯殿哭甲寅卽位于壽寧宮議上謚
 王曰宜先請上國乃上純誠守正上昇王之號十月
 葬慶陵王衰麻手擎香爐步至十川橋乃乘肩輿至
 山陵葬訖哭臨乃還先世所未嘗行也皇太子遣使
 賀帝冊王行中書省右丞相高麗國王依前瀋陽王
王烝淑昌院 妃進封淑妃會百官于梨峴宮下教曰至元二十八
 年予與鄭可臣柳清臣等詣紫壇殿親奉世祖聖旨
 同姓不得通婚天下之通理况倭國識會文字行夫
 子之道不應要同姓自今宗親文武兩班娶同姓者
 以違背聖旨論仍簡名族十五家許與王室世世通

婚十五家新羅王孫金瑋一家亦為順敬太后叔伯
后之宗彥陽金氏一宗定安任太后一宗慶源李太
后一宗安山金太后一宗鐵原崔氏海州崔氏孔巖
許氏平康蔡氏清州李氏唐城洪氏黃驪閔氏橫川
趙氏坡平尹氏平壤趙十一月王如元命齊安君淑
氏并累世勳宰家也權署征東省事元年己酉至大二年春正月王在元
 二月傳旨立權鹽法三月王扈皇太后幸五臺山以
 崔有滄守僉議政丞有滄等上箋請歸國時帝及皇
 太后遇王甚寵故王無東還意元改中書省為尚書
 省後罷之二年春正月王在元欲傳位世子密撰表
 於楊學士為從臣所沮乃止尋殺世子鑑及其從者
 金重義秋七月元冊公主為韓國長公主追謚王三

代皆贈太師初國家用宋金正朔歷代皆稱癸卯世
為宗事元以來不得稱宗為例子之喪至自元元宦者李大順等十六人同日封為
 君初安平公主嘗獻闈寺數人於世祖頗得親寵至
 有奉制來東復其家官其族於是父兄爭相官其子
 弟又有強暴者少有忿怨輒自割勢故不數十年刀
 鋸者甚多成宗以來闈人用事至官大司徒者王在
 京師出入三宮與此輩狎故並封之九月元流寧王
于東國子謀及事三年春正月王在元帝崩三月
仁宗皇太子即位是為四年壬子皇慶元年春正月王在
 元帝詔王歸國王使朴景亮言於用事大臣請待秋

東還制曰可洪奎為僉議政丞秋七月齊安公淑卒
淑諳練典故稱為宗英何密直司使李思溫等以王
以書卒權署東省故也久留元實由權漢功崔誠之掌銓選利其贈賂勸王
 不歸乃請徽政使失烈門矯太后制下漢功等獄王
 怒白太后釋之流思溫于臨洮五年春正月王在元
 以江陵大君壽見于帝請傳位帝冊壽為王王不欲
 東還顧無以為辭乃遜位於壽以延安君高為世子
 王稱藩王於是帝命王留京師王構萬卷堂于燕邸
 迎致大儒閻復姚燾趙孟頫虞集等與之從遊以考
 究書史自娛時有鮮卑僧以帝師八思巴製篆字有

功請天下立祠祀孔子王曰孔子百王之師祀以德
 不以功製字之功何可比哉聞者避之元朝科舉久
 廢王嘗以姚燾之言白帝許之以皇慶二年詔復行
 科舉舊史云李孟為相奏行科舉非右丞相禿魯罷
也是時孟為翰林學士舉行之帝以王為相王固辭曰臣藩宣之寄猶懼不任乞付
 於子况朝廷之上相安敢貪恩冒處以累陛下之明
 乎敢以死請帝笑曰固知渠善避權也延祐三年三
 月王奏傳藩王位于世子高自稱太尉王六年王請
 于帝降御香南遊江浙至寶陀山而還七年春正月
 帝崩皇太子即位鐵木迭兒再起用事殺平章蕭拜

住及中丞楊朶兒奪李孟職恣行威福時事大變王
懼禍及復請帝降香江南行至金山寺在潤州帝遣使
急召令騎士擁逼以北侍從臣僚恐王不免皆奔竄
或有仰藥者王至大都帝託以學佛經為名祝髮流
于吐蕃撒思吉地宰相崔誠之逃歸朴仁幹等十八
人從初伯顏禿古思國人也自闖入元事仁宗藩邸
佞諂多不法王嫉之白太后以所奪土田臧獲悉還
其主又以無禮杖之會仁宗崩英宗立皇太后嘗以
英宗為柔懦屬意於和世竦英宗即位太后來賀見
其有毅然之色退而歎曰悔不擬養此兒遂鬱鬱成

疾崩時有上變者英宗恐事涉太后置不問以王被
太后親寵故禿古思為飛語中之禍幾不測賴丞相
拜住營救得免至吐蕃李齊賢等獻書中書省請還
帝命量移英宗遇弒奉定帝即位大赦即還奉定二
年乙丑王薨于燕邸壽五十一性聰悟強記凡事一
經耳目終身不忘每引儒士商確前古與公得失
輒不倦尤喜大宋故事嘗使人讀東都事略至李沆
王旦范富韓諸公傳必舉手加額以致景慕至丁謂
章蔡姦臣傳未嘗不切齒憤惋王之好賢嫉惡如此
故在元朝喜從賢士大夫遊及鐵木迭兒用事與清

流共得罪葬德陵

史氏曰古之人君德修於己功加於人自卑而人益尊自晦而道益光今忠宣以聰明強記之才用之於不善處身接物一無可稱乃欲求譽於上國自頌其德夫靈殿之營先揚父惡轉輸燕京財殫力痛失父子之親殺無罪之子嘗在元朝不親國政重營二宮私占食邑飯僧點燈殆無虛日萬僧之會糜費鉅萬朝野怨毒而歸德於己取笑當時貽譏來世後之人君可不監哉

史臣贊曰忠宣爲世子入侍元朝與姚燧趙孟頫諸公遊間或與聞朝政其議論有足觀者及其卽位避上國之制改易官名謹侯度也正田賦立鹽法知所本也第以人君之位萬幾所萃不可一日而曠也王旣受命復位諂事婦寺淹留燕京至于五年國人困苦供饋從臣久勞思歸至謀相陷元亦厭之再詔歸國無以爲辭乃遜位于子燾又以姪暉爲世子父子兄弟卒構猜嫌其禍至于數世而未弭貽謀之不臧如此吐蕃之竄非不幸也

忠肅王世家

王名燾小字宜孝蒙諱阿剌訖失里忠宣王第二

子母曰蒙女也速真忠烈王二十二年甲午生封江陵大君從忠
宣入元五年三月甲寅忠宣奏請傳位夏四月王奉
上王公主東還六月至自元初上王欲留燕邸朝廷
不許故遂行帝遣平章李伯帖木兒等三十六人護
送王下教文武官僚賀謝並於父王先行五日一朝
上王冬十二月冊德妃洪氏上王嘗願點百萬燈於
是日點二十期以一歲畢願其費不可勝記與松廣
僧萬恒同輦幸演福曹溪宗僧景麟授大禪師諫官
不署告身王怒召李朝隱禹偁尹頎謂讓猶不署王
欲杖之偁廷辨慷慨王稍解皆左遷元年甲寅延祐

元年春正月上王自記其德十餘條密下式目都監
令箋賀蓋欲以聞上國也元詔設科禮使上王如元
自是留遣博士柳衍于江南購書籍未達而船敗衍
獲免太子府參軍洪滄在江南遺衍寶鈔百五十錠
使購得萬八百卷又奏賜王書籍萬七千卷皆宋祕
閣所藏也二年秋九月公主如元冬十二月薨三年
春二月公主之喪至自元王如元上王傳潘王位于
高令尚梁王女秋七月王娶營王女亦憐真八刺公
主懿妃薨于元八月懿妃之喪至自元冬十月王與
公主至自元四年春正月元流魏王阿木哥于大青

島五年濟州民作亂囚其副使張允和于巡軍貪暴以致亂故也遣評理宋英安撫賊悉平夏五月遣執義金千鎰于東南道持平張元組于西北面問民疾苦千鎰無所糾舉王杖之元組獨舉金怡橫斂皮幣怡方在燕邸上王怒黜元組置辨違都監尋罷之六年秋九月公主薨七年庚申延祐七年春正月辛巳朔元告日食百官素服停賀正禮不應是日大都日食帝齋居輟朝賀辛亥帝崩二月太子即位仁宗性達儒術愛養民力孜孜為治一遵世祖成憲為元盛德守文之主矣冬十二月元流上王于吐蕃遣張沆獻盤纏于上王百官上書中書省

訟上王之寃八年元召王夏四月如元杖權漢功蔡洪哲流海島先是上王之留元也政事出納多遵稟而行雖有過舉然倉廩盈羨人心畏服至是宦官左右謀改上王之政放逐舊臣廢曆俱夢羣不逞徒附伯顏禿古思禿古思起煽亂上王至西蕃獨知里寄書崔有渰權溥許有全趙簡云不穀數奇貽辱我社稷想諸國老亦焦勞不置也國王年少向之憚我者幸我至此焉知不聞我父子乎幸同心協力匡濟我家於是是有全等如元請王東還為藩王黨所沮竟不能達王至燕寓禿古思家時大護軍朴仁平以姦巧得幸

潛結曹頤頤養子宦者楊安吉在帝側用事至是仁
平先詣潘王與頤安吉相為唇齒遂以國家陰事訖
潘王誘引清臣潛與之比趙璉趙延壽金元祥等陰
附之帝用譖收王印章九年春正月王在元代言慶
斯萬屬大寧君崔有滄率羣僚作書請王復位書成
附潘王者多乃置書妙覺寺警守斯萬竊取書令金
之鏡達中書省秋九月權漢功蔡洪哲李光逢等怨
王邀驪興君閔漬等欲請立潘王會百官上書中書
省贊成事閔宗儒彥陽君金倫執義尹宣佐等不從
臺諫史翰曰不署名漢功等會慈雲寺署名天忽大

雷電以雨十一年呈文云姦臣等虛稱告乞太尉王
指此時議郎趙湜賫詣中書省翰院并不受十年春

正月王在元吳潛柳清臣上書都省請立行省比內
地不從閔漬許有全金賂崔誠之李齊賢獻書于丞
相拜住請召還上王二月命量移于朶思麻地秋八

月帝自上都南還御史大夫鐵失弑帝于南坡帝性

仁宗不豫焚香告天願以身代及嗣位用法無私果
於誅殺鐵失等以迭兒餘黨不自安時窮治迭兒事
遂構殺丞相拜住皇叔晉王即位是為奉召還上王

冬十一月至大都十一年甲子春正月王在元帝勅
賜王印章崔有滄金濼守僉議政丞夏五月崔有滄

率百官軍民附書呈中書省乞將構捏說謊人等嚴
加禁治回送令王早還本國安撫百姓以學諭沈宗
叔為合浦萬戶府錄事疏提以刀筆吏為之貪汙秋
八月王娶魏王女金童公主十二年夏五月王及公
主至自元上王薨于燕邸秋七月梓宮至自元冬十
月公主薨十四年夏五月僉議中贊金怡卒十五年
元封金氏為皇后初平君金廢女也秋七月帝遣平
章政事買驢舍人迷失不花來先是王欲請元禪位
于潘王密以表授代言韓宗愈趣令印之宗愈不從
退與李兆年謀執姦臣斥之事竟不行至是柳清臣

吳潛詣中書省誣王旨龍尊瘖啞不親政事且云上王
奏高麗世子英宗時王壽與禿古思謀說上王
奪高世子印又奪上王賜高田宅及奪清臣等百四
十人田宅事於是帝遣買驢來質問朴仲仁曹頤趙
雲卿高子英等從之皆潘王黨也王辭疾不迎詔買
驢疑之徑詣王宮宣詔詰讓王對曰世祖皇帝賜父
王世子印武宗授潘王爵未幾襲封洪重喜曰一身
上不合兼綰兩王章奏授我麗王延祐三年我朝京
師父王授世子寶曰此世祖皇帝所賜也待胤子長
與之今高黨言父王聽金怡授印我仁宗賓天二年

父王寬吐蕃子時在國何暇與禿古思謀父王以世
祖外甥有佐命勳尚云不可兼兩王印高有何功既
為瀋王又要高麗世子印邪所與田宅曾蒙帝旨但
營州土田世祖為高麗王朝宿供頓許置之矣子不
得傳之於父高何從以有之清臣等田地皆他人所
有令有司考文契還舊主耳買驢見王禮容嚴肅言
辭有敘曰帝所以命我來察王疾也今見王向者之
訴皆誣也於是頓等懼不敢言時使价絡繹贖貨淫
醜淹留數月買驢並督令還歸即行王贐以寶玩不
受秋七月帝崩于上都倒刺沙立太子阿速吉遣使

詣燕都命收百司印章時燕帖木兒居留守遂謀舉
義大會羣臣從兵皆露刃令曰武宗皇帝有子二人
天下大統所在當歸之不從者死於是迎懷王圖帖
睦爾攝位改元大曆遣兵圍上都破之嗣帝不
知所終十六
年己巳春正月周王和世竦稱帝于和寧是為
明宗以懷
王為皇太子秋八月帝南還皇太子出迎察都地帝
暴崩于行殿燕帖木兒聞哭聲即入帳中取璽扶太
子上馬南馳襲位于上都王遣使賀請傳位世子禎
十七年春二月元冊世子為王遣七十堅來取國璽
時世子在
元宿衛帝親御奎章閣授世子世子命金台鉉權

行省事王囚之以鄭方吉行省事世子尚關西王女
德寧公主秋七月元流明宗太子妥懽帖睦爾于大
青島時年十一歲順帝為王如元世子及公主自元東
來謁于黃州王責其胡服世子涕泣而出冬十月檢
校政丞金台鉉卒十八年辛未舊史以此年為春正
月王在元夏四月以五道人民流入雙城遼瀋等處
表請刷還秋七月大寧君崔有滄卒冬十二月元召
還妥懽太子後元年春正月王在元二月元遣郎中
蔣伯祥詔告王復位趣世子入朝王令伯祥攝省事
下世子嬖幸尹碩孫琦金之鏡等于巡軍伯祥囚權

適尹之賢等夏五月元遣太史都赤來囚伯祥于行
省釋碩之賢等百官訴伯祥不法事都赤執伯祥以
歸秋八月帝崩燕帖木兒請於皇后立太子燕帖古
思后不從以文宗遺命立郕王懿麟質班即明宗次
子也即位閱月而殂燕帖木兒復請立燕帖古思后
曰吾子尚幼妥懽帖睦爾在廣西禮當立之乃命迎
于靜江二年春正月王在元燕帖木兒奏高麗隣于
倭境王今久在都下請令之國時皇太子未即位王
以文宗舊臣不忍遽發朝廷督之遂行與慶華公主
俱來瀋王謁于臨江亦從王東還夏五月至自元六

月順帝即位改元元統四年乙亥至元元年冬十月
王獵於海州聞元使黑厮來還都王性厭人左右不
得近內官慮獨行迤從之王大怒百官會迎賓館迎
詔王已先至倉黃行禮王使人逐之百官走匿王之
忌人如此有人自元來白前王悔過王泣下元詔罷
科舉是歲伯顏弒皇十二月詔王入朝五年冬十二
月王如元帝勅前王東還時王不欲入朝聞有六年
春正月王在元秋七月彗見天市垣四十日乃滅元
云大如大船星冬十二月王至自元七年夏六月地
長尺餘色白震大震秋以曹頤為左政丞洪彬為贊成事八年春

三月王薨在位二十五年壽四十六性沈重聰明善
屬文工隸書葬毅陵

史臣贊曰烈宣肅惠世歷四代父子相夷至與之訟
于天子之朝貽笑天下後世夫孝為百行之先而政
事之本也本既失焉其政可知已忠肅晚年遺棄國
事出舍外郊信任朴青等三豎威福下移若子若孫
皆罹凶天可勝嘆哉

忠惠王世家

王名禎蒙諱普塔失里忠肅王長子母曰明德后洪
氏忠肅王二忠肅十五年二月以世子如元宿衛十

六年十月忠肅奏請傳位初王至元丞相燕帖木兒見之大悅視猶已子因忠肅辭位贊帝許之時燕帖木兒秉權肆行以奉定后爲夫人尚宗室女四十餘人一宴或宰十三馬王既襲位從燕帖木兒放鷹于柳林委機務於嬖臣裴佺等尚關西王女宣徽院享王於丞相第王又享丞相酒半丞相喜甚起舞王亦舞王日與內豎爲角力戲起居注李湛白王曰君舉不可不慎動靜皆書之王曰書者誰湛曰史臣職也王曰書我過失者書生也由是益厭儒術夏五月帝詔王之國帝幸上都王從至龍虎臺拜辭而還七月

至自元日事遊畋而已至順三年二月元遣使詔上王復位取國璽以去王遂如元時太保伯顏惡燕帖木兒弄權待王不禮至是燕帖木兒已死伯顏遇王益薄王與燕帖木兒子弟及回骨少年羣飲詭浪不上宿衛伯顏益惡之目曰撥皮白帝云王頑素無行恐累宿衛宜送乃父使訓勵忠肅後五年帝遣王東還忠肅薨王遣評理李揆等求襲位伯顏不許曰王壽本非好人撥皮雖嫡長不可立唯高可高遂如元止平壤陰與曹頤謀事王遣騎追高不及李揆還言太師意不可回令耆老臣民上疏陳請可也於是耆

老權溥等上書中書省請王襲位王荒淫無道烝壽
妃又往慶華宮逼公主烝焉主恥之召政丞曹頤具
道見暴狀頤入永安宮會百官聲言逐去羣小而陰
為潘王地遣其黨取國璽令李達衷金得培等守之
會有從大都來詭言帝許襲位頤黨稍引去秋八月
頤與洪彬申伯黃謙白文舉等領紅綃軍夜五鼓進
襲王宮王率幸臣數騎出射之頤軍敗走頤入公主
殿追斬之執謙文舉等繫巡軍獨宥彬冬十一月元
遣斷事頭麟詔王襲位尋以帝命令金之謙權管國
事執王及洪彬韓帖木兒不花趙雲卿黃謙白文舉

等以歸元年春正月元囚王于刑部使五府

中書樞密御史

翰林宗正雜問之時伯顏蓄宿憾陰右頤黨使王與訴者

對辨李兆年慷慨發憤將上書丞相馬前殺身以雪

王會丞相敗

伯顏誅唐其勢專權自恣變亂成憲漸

父馬札兒台及其未敗而圖之處士兵直方勸以大

義滅親乃決策以聞密與定議因其出獵柳林遣兵

拒之降詔罪狀脫脫奏于帝釋王復位夏四月王

還自元韓渥為右政丞元以馬札兒台為丞相封奇

氏為皇后撤文宗廟主削不答失里皇太后號徙東

安州放燕帖古思于高麗燕帖古思行至瀋陽暴卒

二年辛巳至正元年脫脫錄軍國重事夏五月江陵

君祺被召如元玄孝道欲酖王事覺伏誅冬十二月
諸道賀箋不至三年元遣高龍普迎皇后母李氏四
年夏五月星山君李兆年卒元遣直省舍人實德來
索宋遼金事蹟初世祖立國史院首命王鶚修遼金
史宋史又命通修三史延祐天曆間
屢詔修之以義例未定竟不能成至是命脫脫為都
摠裁張起巖歐陽玄呂思誠揭傒斯為摠裁官修之
一時士論非不知宋為正統而終以元承金承遼
之故疑之持論不決詔遼金宋各為史發凡舉例論
撰表奏多玄屬筆乃奏遣實德復其人法時新宮成
來謂東史必記載上國事故也王落之令百官助宴需輪日饗王饌品爭極華侈一
器之費直布數百段人甚苦之尋罷王聞人妻妾有
姿色無問親疎貴賤皆納之後宮幾百餘壁臣崔遠

告進士井洞有美處子王夜往索之主媪謝以本無
女王疑媪匿之又疑遠見欺皆殺之好財利分析絲
毫常汲汲經營給布回回家取其贏餘椎牛進肉新
宮之役親擊鼓督之漆腹之輸後期者徵布倍蓰吏
緣為姦百姓愁怨羣小得志忠直見斥直言之士輒
加僇辱人莫敢言者實德見都監膺文取歸館謂政
丞蔡河中曰役民妨農乃至此極此邦之民何以堪
命吾將歸奏天子王聞之大怒曰此必伴接人所為
也河中曰臣願殿下無遽怒殿下平日小事輒振威
怒人主不宜若是王使河中請之實德不許使所親

諗之乃止有白王者曰訐實德者前判閣崔大雨也
召入內批頰流血時李芸曹益清奇輟等在元上書
中書省極言王貪淫不道請立省以安百姓冬十一
月帝祀南郊遣大卿朶赤乃住等來頒赦王欲託疾
不迎龍普曰帝嘗謂王不敬若不出迎帝疑滋甚王
郊迎聽詔于征東省朶赤等蹴王縛之王急呼高院
使龍普叱之使者拔刃執侍從百官皆走匿郎中金
永煦等四人中槩持平盧俊卿死之辛裔伏兵于外
以遏衛王者即掖王載一馬馳去王悶甚索酒有一
姬獻之令奇輟洪彬權征東省捕王之嬖臣十人囚

行省封內帑王至肅州索餼於州守安鈞鈞不獻訐
朶赤朶赤以鐵捶擊鈞垂斃彥陽君金倫與諸宰相
會議上書請赦王罪令李齊賢草其書權漢功不從
國老多不至事竟未就帝以檻車流王于揭陽縣去
燕京二萬里傳車疾驅時無一人從者去艱楚萬狀
五年春正月薨于岳陽縣或云遇鳩或云食橘而殂
壽三十夏六月喪至葬永陵

史氏曰忠惠王以英銳之才用之於不善昵比惡少
荒淫縱恣內則見責於父王上則得罪於天子身為
羈囚死於道路宜矣雖有一老臣李兆年言之剴切

其如不我聽何哉

史臣曰烈宣肅惠相繼尚主憑仗甥舅之親在元日多在國日少自置東省政教號令皆出於元羣不逞之徒因緣盤結往復猜譖子訴其父臣訴其君子立則父廢父立則子廢圖新君者吠舊主背本國者喜生事無復有君臣父子之分夷考其行忠烈忠肅之驕溢荒怠莫能相尚忠宣忠惠之淫縱穢褻瀆亂天常吐蕃之流揭陽之竄皆自取也尚誰咎哉

忠穆顯孝王世家

王名昕蒙諱八思麻朶兒只忠惠王元子也母曰德

寧公主

忠肅王年丁丑

生性聰慧入元宿衛忠惠薨王年八

歲高龍普抱王以見帝帝問曰汝學父乎學母乎對曰願學母帝稱歎遂命襲位王下教革弊政恤百姓令蔡河中鄭乙輔參議國政朴忠佐制田民都監竄先朝倖臣十五人悉收告身元末白学四月王至自元五月帝遣李麻秦瑾來冊王曰思乃祖事大之誠謹爾父亡身之戒輯寧爾邦敬典在德六月大行王之喪至自岳陽置書筵令李齊賢以下四十六人更日侍讀九月朔日食王煦為右政丞金倫為左政丞十二月高來元來錫忠宣忠肅王謚冊元年乙酉至

正五年春正月復置政房李忠佐辛調秋七月高卒
右政丞王煦罷金求煦代之二年春二月朔日食三
月芋陵人來朝冬十月命李齊賢安軸李穀改撰編
年綱目永嘉君權溥卒三年春正月朔日食日官不
食與二月盜入太廟置整治都監皇后族弟三萬奪
人田下獄杖殺之元聞三萬死遣直省僧家奴杖整
治官白文寶等十六人以聖旨原王煦令判都監四
年春二月彥陽君金倫卒三月遣李凌榦如元請先
王謚不允遣金那海請改正先王罪名秋七月元台
州方國珍作亂冬十月王不豫德寧公主移御于密

直安牧第政事皆決焉時母后盛年居中康允忠裴
王煦金求理弊政為允忠輩所陷辛裔田淑蒙等表裏用事
代言鄭思度依阿進用久在政房中外輻湊時人目
裔曰辛王十二月王薨壽十二葬明陵

忠定王世家

王名昉蒙諱迷思監采兒只忠惠王庶子母曰禧妃
尹氏忠肅王六忠穆四年封慶昌府院君忠穆薨公
主命奇轍王煦攝征東省事王煦等遣李齊賢如元
表請曰江陵君祺普塔實里王母弟方入侍天庭年
十九歲慶昌君昉普塔實里王庶子見在本國年十

二歲伏望陛下簡在帝心以從民望元年己丑至正九年春二月帝詔令昝入朝夏五月命襲位王命鐵城君李君佺聽斷國務政丞王煦如元道卒秋七月王至自元元以脫脫為右丞相朶兒只太平罷脫脫為相遣使來告罷整治都監二年春二月倭寇固城竹抹巨濟擊走之倭寇之三月雲南王來聘尹時遇為都會議倭寇順天合浦秋九月德寧公主如元三年春正月贊成事李穀卒夏四月元詔修河防先是童謠云石人一隻賈魯治河果于黃陵岡得石人一眼而汝潁之兵起矣五月潁州妖人劉福通作亂以紅巾為號陷潁州關河之役民心愁怨藥城人韓山童以白蓮燒香會

惑衆謀亂縣官捕之山童就擒其秋八月倭寇襲車

子韓林兒逃之與福通等遂反秋八月倭寇襲車縣在南冬十月元以江陵君祺為國王遣斷事官取國璽以歸王遜于江華王不好學嘗以墨灑侍學官衣性癡妬宰相侍臣或遭撞擊往往以鐵椎擊人幾斃其狂惑類此典校令申德隣丞安吉祥義盈使孫桂及朴成亮朴思慎從王於江華皆追繫巡軍獨思慎行王供膳不充愁懼號泣計至都人莫不流涕壽十四葬聰陵

史氏曰忠穆忠定皆幼冲嗣位德寧禧妃以母后專制老姦宿蠱黃緣用事其於防閑難矣當忠定之時

江陵君親為叔父內有藥狐以為主外有大國而送之諸尹不為顧慮朋邪釀禍而王以無道行之無施於民無援於外何以冀國嗚呼悲夫

木齋家塾彙纂麗史卷之五

木齋家塾彙纂麗史卷之六

世家六

恭愍敬孝王世家

王名顥蒙諱伯顏帖木兒

舊名忠惠王母弟也

忠肅王十

七年庚午封江陵君忠惠二年被召如元宿衛時稱大

元子忠穆封為府院君忠穆薨國人欲立王元不許

忠肅以王託尹澤澤與李承老上書中書省請立王忠定元年王尚魯國公主

至是元封為國王王命李齊賢權斷征東省事尋拜

都僉議政丞齊賢考覈百官功過流盧英瑞貶贊成

事尹時遇鄭天起下裴佺于獄髡永陵孽子釋器十

二月王及公主至自元壬寅卽位元年壬辰至正十
二年春二月宣宥境內曰恭惟我太祖統一三韓列
聖相承以小事大迨我聖元龍興先天下而歸附我
忠敬王入覲世皇寵賚異常忠烈忠宣世館貳室而
我仁考忠肅王亦承釐降之榮詞德臨邦二十有五
年殿後不弔再世不祿而耆艾之臣以予爲忠宣之
孫忠肅之子以德以年合主宗祧獻書天子願奉爲
君天子俯採其言故有今日之錫命越至正十一年
十一月庚子與公主歸宗國謁慈闈蓋違顏者十一
年今得相見誠孝之至感動上下壬寅承事景靈宮

踐位康安殿衣冠禮樂猶有古國之風顧以何德獲
濟登茲然屬時世陵夷風俗頽靡朝多倖位倉無宿
儲隣寇侵疆乾文告變若不克已勵精日慎一日革
邪僞去檢壬用惻怛之誠行寬厚之政何以報天子
之德保祖宗之業慰慈闈之心塞耆艾之望凡百在
位尚克匡其不逮圖惟厥終罷政房者裴佺三月辛
亥弒前王元頒赦討捕賊魁事也方國珍入海燒掠沿海州
郡徐壽輝都鄞水國號天完僭稱帝定遠郭子興等
兵起天下大亂右丞相脫脫請出師討徐州許之沈
丘人察罕帖木兒與羅山李思齊同奮義起兵以討

賊自任倭寇喬桐焚甲山倉都城大震金羅江陵道亦被搶掠開書筵更日侍讀秋九月趙日新舉兵叛伏誅初日新恃功驕恣與其黨鄭天起崔和尚等謀去奇氏夜遣兵捕轅殺之轅輪逸遂圍行宮殺宿衛臣僚金鏞獨免劫王開御寶自爲右政丞鄭天起爲左政丞官其黨有差旋欲歸罪其黨以自免斬崔和尚請王幸十字街捕斬張升亮等下天起于獄王密召李仁復決議執日新誅之李齊賢爲右政丞曹益清爲左政丞流鏞于海島二年春正月洪彬爲右政丞夏六月元立子愛猷識理達臘爲皇太子赦秋八

月元遣巒巒太子定安平章來錫李兒札宴于榮安王第巒巒太子娶金允臧女以歸九月朔元報日食不應元朝三年夏六月元徵兵討張士誠時南賊日熾詔太師脫脫搠諸省軍馬出征高郵脫脫謂蔡河中曰吾受命南征王宜遣勇銳以助尋遣吏部郎中哈剌那海召柳濯廉悌臣金鏞鄭世雲崔瑩李芳實安祐等四十餘人赴征秋八月濯等如元領二萬三千人爲前鋒冬十一月從脫脫征高郵諸將力戰城將陷韃靼知院老長忌東師專功今日今日暮矣明日乃取之賊夜堅壁設備翌早攻之不克拔我師攻

六合城克之賊勢大感會右丞哈麻與脫丞相有隙
風御史臺劾奏出師無功詔削爵安置淮安自是天
下事無可為矣濯等既西衛士單弱王懼募弓手于
西海道以備之蔡河中領都會議四年春三月元以
汪家奴為右丞相定注為左丞相元史云哈麻為右
相桑哥失里為平
章雪為御史大夫國家
大政盡歸哈麻兄弟矣帝遣使來求女樂時帝在
位久怠於政事荒于遊宴哈麻陰進西蕃僧于帝行
房中運氣之術習秘密法封為國師嘗謂帝曰陛下
尊居萬乘富有四海不過保有見世而已人生能幾
何當受此秘密大喜樂禪定於是帝日從事於其法

以宮女一十六人按舞名為天魔舞戴象牙冠披髮
身被大紅綃金裙奏龍笛頭管胡琴小鼓每宮中讚
佛則按舞奏樂充魯帖木兒及老的沙等在帝前相
與褻狎男女裸處號所處室曰皆即冗該猶華言事
事無礙也君臣宣淫而羣僧出入禁中無復禁止皇
太子欲去之未能也征南將士還自元夏六月大
明太祖高皇帝起兵自和州渡江取太平路元德既
衰四方割據爭雄者衆韓林兒據中原陳友諒據湖
廣方國珍據浙東張士誠據浙西明玉珍據四川陳
友定據福建何真據廣東劉益據遼陽毛貴田豐據

山東互相仇敵戰爭無虛日民不聊生壬辰春太祖避兵濠城有安天下救生民之志起兵攻滁州下之恩威日著豪傑歸心至是渡江取金陵陶安白太祖曰方今四海鼎沸豪傑並爭其志皆在子女玉帛非有撥亂救民之志明公率衆渡江神武不殺以此順天應人而行弔伐天下不足平也冬十二月我桓祖來朝五年春二月元哈麻雪雪伏誅夏五月日無光中有黑子大司徒奇轍等謀反伏誅轍連姻帝室陵轢本朝盧頊權謙亦皆納女于元聲勢相依至是聞天下亂自念積惡斂怨恐一朝勢去難保將

圖大逆王密認託以曲宴召轍謙頊悉誅之並誅流黨與罷征東省停至正年號復舊官制以洪彥博爲門下侍郎命印璫姜仲卿崔瑩及柳仁雨貢天甫金元鳳等討西北界璫引渡鴨江攻婆娑府雙城人趙曠都赤等來附於是攻破雙城收復和登定長預高文宜州及宣德元興寧仁耀德靜邊等鎮初璫先發仲卿被酒後至璫目辛珣斬之朝議竊怪其故元使齊奇轍大司徒印章而來辛珣遇諸塗奪印章殺其從者元使逸前護軍林仲甫奉釋器謀不軌誅之斬其黨政丞孫守卿等放釋器于外元囚節日使金龜

年于遼陽省聲言八十萬兵來討印璫請濟師以備
秋七月元遣斷事官撒迪罕到鴨江傳帝旨曰不意
爾國遽生邊釁越我封疆侵擾黎庶遮阻行人揆諸
天憲討戮何疑尚慮賊徒或得罪爾邦或從他國來
盜用兵戈以間世好若不詢問情偽大兵一臨玉石
俱焚誠所不忍特遣撒迪罕等前去具實奏聞於是
斬兵馬使印璫附表曰竊惟小邦邈處東極隋唐之
盛羈縻而已世祖龍興灼知天命首先歸附世著微
勞東漸恩澤日新月盛不圖賊臣奇轍等謀為不軌
生我厲階切詳轍等假威天朝脅制國主人有人民

不奪不已人有土田不奪不厭臣畏大朝一不敢問
羣黎百姓怨豈在明轍等自知稔惡妄意天下擾攘
一朝勢去務固其權中外要職列植親黨擅造兵器
閑習馳射扇動訛言惑亂衆聽乃於今年五月十八
日召集無賴一時俱起船運兵甲已至江口又令詐
爲天使稱有詔旨猝入宮門將欲殲我君臣以逞已
欲安危之機間不容髮尚賴聖德捕獲元惡不暇申
聞俱致於法仍慮邊鄙姦人乘釁妄動造起浮言故
置關防以謹出入而其吏士過江劫掠實非本意考
其罪人以正邦典輒因來使具表以聞冬十月元復

遺撒迪罕賚詔來王陳兵衛迎詔詔曰事覺之生在
於倉卒志圖靖難不及稟命肆朕惟先臣慕義之誠
詎以一眚輒虧舊恩茲示寬容自今伊始率循彝章
固我東園勿替朕命遣政堂文學李仁復如元上表
陳謝及上書中書省曰世皇東征時所置萬戶中軍
右軍左軍耳其後增置巡軍合浦全羅耽羅西京萬
戶府侵擾地方貽害罔極欽依世祖舊制外五萬戶
府乞皆革罷雙城三撒元是小邦之境先臣忠憲王
戊午趙暉卓青等犯法懼誅誘致女真屠戮官吏係
累男女皆為奴婢父老至今言之流涕比緣奇轍等

交結酋長及其謀逆約為聲援輟等死支黨多奔于
彼故令搜索彼反用兵助逆則行師致討豈出於得
已哉摠管趙小生千戶卓都卿今在逋竄竊恐搆虛
生事恭惟朝廷薄海內外莫非王土尺寸不毛之地
豈計彼此哉伏乞歸我舊疆許立關防祖王以來例
將國庶出家所以明嫡庶之分杜覬覦之萌也今有
塔思帖木兒者自謂忠宣王孽子方在京師陰聚不
逞扇搖宗國如斯人者其於朝廷豈有小益乞將塔
思帖木兒及其黨與發還本國濟州叛洪彥博罷以
李齊賢為門下侍中六年二月命李齊賢相宅于漢

陽濟州降李齊賢致仕平章事許伯倭入昇天府
冬十月諫官李穡等請行三年喪從之七年廉悌臣
為門下侍中黃石奇金鏞全普門金逸逢同平章事
夏四月大旱方國珍張士誠遣使獻方物時士誠李
岳守門下侍中冬十二月宋闕先生破頭潘等寇晉
冀兵勢大振破上都焚宮闕八年春二月移文于我
曰倡義舉兵恢復中原燕齊秦楚悉皆款附歸化者
撫之旅拒者罪之倭寇禮成江冬十二月紅頭賊偽
平章毛居敬領四萬衆渡鴨江陷義州靜州麟州以
李岳為都元帥慶年與為副元帥金得培為都指揮

使賊入鐵州安祐李芳實擊却之尋遇賊于清江安
祐敗績李岳退屯黃州中外洵懼岳懦不能軍遣李
承慶代之九年春正月鄭世雲為西北面都巡察使
賊入西京刑部尚書金縉領數百騎趣西京遇賊敗
之李芳實敗賊於鐵化進攻西京賊退屯龍岡二月
安祐等進兵咸從與賊戰判開城府事辛富李堅死
之諸軍力戰斬二萬級虜偽元帥進至古宣州又破
之賊渡鴨江而走三月紅賊船寇豐州鳳州黃州李
芳實擊走之夏四月旱慶尚全羅道大饑倭寇楊廣
道焚龍城十餘縣平章事李承慶卒秋七月遣益山

君李公遂如元道梗而還王怒固遣之至瀋陽不得
達時李羅帖木兒守石嶺關在太原府東北以察罕帖木
兒守關南二將構隙引兵相攻陽翟王阿魯輝擁兵
叛冬十月賜鄭夢周及第十年春正月崔瑩為西北
面都巡察使夏四月辛巳朔日食既秋九月遣尚書
朱思忠如元賀道路復通冬十月紅賊潘誠沙剌關
先生朱元帥等十餘萬衆渡鴨綠江寇朔州泥城遣
李餘慶柵岳嶺令旁八郡民守之安祐李芳實金景
碑擊賊于价延博州連戰破之以祐為都元帥賊襲
安州我師敗績獲金景碑為元帥進攻岳嶺柵大潰

祐得培等單騎奔還十一月丙寅王奉太后南狩崔
瑩大叫請守京城不聽遂發洪彥博李岳金鏞慶干
興柳濯鄭世雲柳淑元松壽李穡睦仁吉洪師範田
祿生等二十八人從行渡臨津駐駕江岸顧謂李穡
曰風景如此卿等政好聯句辛未王次利川十二月
壬辰至福州以鄭世雲為摠兵官賜教書遣之賊陷
原州安邊江華府皆詐降饗賊擊殲之十一年春正
月甲子安祐李芳實黃裳韓方信李餘慶金得培安
遇慶李龜壽崔瑩等勒兵二十萬屯東郊鄭世雲督
諸將進圍京城乙丑我太祖以親兵二十人先登

奮擊大破之斬賊魁沙劉關先生等賊自相蹈藉而
死斬首十餘萬級獲元帝玉璽金寶餘黨破頭潘等
十餘萬人遁渡鴨江而去後寫行賊悉平已巳安祐
金得培等殺摠兵官鄭世雲初金鏞與世雲有隙又
恐祐等成功欲使祐等殺世雲因以爲罪而并殺祐
等乃矯爲書密諭祐等令圖世雲祐芳實信之脅得
培置酒邀世雲令壯士擊殺之乙丑破賊而已巳三
布至福州則鏞書在捷前矣設今真爲王書王不知
其成功而令殺之諸將以此密奏可也且曰世雲素
忌卿等蓋先圖之則鏞之情盡露矣何不致疑而便
殺主將乎萬世之下三元帥不得逃其罪矣故略變
舊史書法以王聞變秘不發洪師禹來獻諸將論世
安祐爲首謀

雲書王悅二月王次尚州安祐詣行宮金鏞使門者
殺之遣使捕李芳實金得培皆斬之遣典書李予松
如元告捷獻玉璽秋七月納哈出寇咸關我太祖
擊走之納哈出據瀋陽稱行省丞八月幸清州帝遣
學士忻都賜王衣酒時兵燹之後京師丘墟實錄冬
十二月以洪師範爲西北面體覆使初諸奇敗皇后
大怒欲廢王會崔濡得罪奔于元詣事丞相搠思監
及宦者朴不花不花國人也用事爲姦利與搠思監
上聞論者謂元之又以金鏞爲內應因說后謀構王
廢之而立德興君王聞之疑朝臣有貳於德興者遣

師範審之十二年春正月卜還都吉二月發清州辛巳渡臨津駕次興王寺三月遣李公遂許綱如元賀平海蓋閏月辛未夜五鼓金鏞密遣其黨犯行宮衛士皆奔竄宦者李剛達負王匿諸太后密室安都赤貌類王臥於王寢賊認王而殺之於是右政丞洪彥博評理王梓判典校金漢龍皆被殺會柳濯因祝釐在妙蓮寺聞變由間道至巡軍鏞獨不赴妙蓮先至巡軍陽言討賊時崔瑩禹禪安遇慶金長壽等自京都領兵趨行宮擊賊平之賊被擒來者鏞輒殺之以滅口流鏞于密城郡尋誅鏞傳首京師流斬其黨三

十餘人王尚未忘鏞為之泣下張士誠遣使賀平紅賊遣洪淳李壽林如元呈百官耆老書于中書省曰勢窮則情不可掩情迫則言不可飾所以顛倒之言徑至於至嚴之前也小邦世為藩翰親則甥舅違今我王允荷寵眷圖報之誠曷嘗少懈邇者紅賊犯上都汙穢宮闕攻破遼省勢甚猖獗辛丑之冬長驅而東誘以空城卒以擒獲海蓋餘黨不敢復肆小邦有力焉四方賊起十有餘年尚未盡平者東方之寇數年之間便致廓清聖天子無東顧之憂我王之功未必在諸將下也不幸羣不逞在都者倡為虛辭眩惑

朝廷小邦獻捷賀正使節相繼而未有一人東還一
國臣民且疑且懼伏惟中書摠百揆撫四夷察之以
明鎮之以靜豈惟聽不逞之徒反吠其主之言乎國
既有君而又求君此必朝廷所深嫉而誅絕者也萬
一有過朝廷決不與南寇等視尚或見宥且爲大官
況我王之有功無過者乎伏望敷奏之餘曲爲我王
論功行賞取彼凶徒迸諸四裔俾天下咸知朝廷報
功去讒之義豈不美哉又呈于御史臺及詹事院公
遂至元脅令奉德興東歸公遂不屈元遂以德興君
爲國王奇三寶奴爲元子發遼陽兵以送夏五月以

慶千興爲西北面都元帥屯安州安遇慶屯義州李
龜壽屯麟州以備之秋七月漢主陳友諒圍洪都
太祖皇帝帥諸將討之大戰于鄱陽湖友諒敗死李
家奴賫遞位詔來百官陳兵迎詔語之曰德興君是
忠宣王出宮人所出也非王氏而王之可乎幸歸奏
天聽冬十二月德興君屯遼東候騎至鴨江朝野震
懼十三年春正月崔濡與德興君以元兵一萬渡鴨
綠江圍義州弓庫門安遇慶七戰却之濡入宣州候
騎至定州遇慶又擊敗之虜其將宋臣吉剗以徇軍
遇慶爲左翼我太祖爲右翼崔瑩爲中軍大敗賊

兵于隨州之獺川奔還燕京者纔十七騎夏五月金
續命擊倭於鎮海大破之元詔王復位初元以孛羅
匿老的沙削其官孛羅怒令禿堅帖木兒引兵犯關
使至其軍問故以必得搠思監朴不花爲對詔寬兩
人于外復孛羅官爵禿堅帖木兒陳兵觀帝于延春
閣慟哭請罪加孛羅太保仍守大同授禿堅平章事
引兵還五月命擴廓帖木兒討之孛羅率禿堅老的
沙等復舉兵犯關皇太子出奔太原孛羅既專國誅
狎臣罷三宮造作禁西僧作佛事於是遣翰林學士
奇田龍詔王復位曰爾克承先業世篤勤勞比者妖

賊陸梁遼瀋之境乃能出奇制勝殲除羣醜璽章寶
玉復歸天府功在我家不圖崔濡陰萌譎險倚權臣
搆思監朴不花爲媒孽矇聾奏請詔旨無辜易位爰
及干戈一方騷然朕所深歎厥今公論昭著重以臺
評彈文在崔濡傳是用大明黜陟其塔思帖木兒收還印綬
命伯顏帖木兒仍復舊爵爲朕東藩爾其益篤忠孝
毋替厥勳尚欽哉執送崔濡誅之遣李仁復如元謝
復位洪淳李子松李公遂還自元方國珍獻玉海書
十四年春正月金庾如元德興君被杖背疽不得執
歸二月魯國公主薨三月元冊王太尉授韓方信安

遇慶黃裳李龜壽李餘慶奉訓大夫以平紅夏四月遣田祿生如元進禮物于皇太子時太子在外日夜謀除內難令擴廓帖木兒李思齊等各統軍馬分三道進兵軍勢大振洪師範謝冊命如元道梗不至而復金邦海麗人伯達兒等陰圖斫李羅帖木兒誅之五月以妖僧遍照為師傅咨訪國政先是照因金元命見於王聰慧辯給王悅之李承慶見之曰亂國家者必此髡也鄭世雲欲殺之王密令避之至是復來見時王在位久嘗患世臣大家盤根締結互相欺蔽以為病思欲得離世特立之人大用之以革其弊及見

照以其出於賤微無所顧藉於是授國政而不疑照用事三旬讒毀大臣罷逐領都僉議李公遂及慶千興李壽山元松壽等流陽川君許猷判書邊光秀判事洪仁桂僉議評理金貴春城君朴曦典理判書許瑞等削崔瑩李龜壽梁伯益石文成朴椿等爵封遍照為真平侯瑞寧君柳淑乞歸田里許之冬十一月元以伯撒里為太師右丞相擴廓帖木兒為太傅左丞相以辛盹為三重大匡領都僉議虜城君遍照十五年春三月遣書狀官金齊顏聘于河南王擴廓帖木兒正使田祿生未賀皇太子定難還都夏四月左

司議大夫鄭樞右正言李存吾上疏請斥辛晫王大
怒貶樞為萊縣令存吾為長沙監務自是宰相臺
諫皆附晫而言路塞矣賀正使金普門還自元帝授
翰林同修國史普門目不知書元末官爵之濫如此
竄評理睦仁吉判密直任君輔五月益山君李公遂
卒大起魯國公主影殿甲午百官會于辛晫家地大
震秋七月朔日食既辛晫殺李龜壽金貴朴椿審王
篤采不花遣使來王更名顓河南王遣中書檢校郭
求錫報聘贈襲衣金帶不受求錫題詩箕子廟封王氏為益
妃賜姓韓氏冬無冰十六年春正月元遣使來錫求

陵明陵聰陵諡冊元詔以濟州復屬于我

時帝欲避亂于濟州

輸御府金帛

元以辛晫為集賢殿大學士倭寇江華府秋

七月雞林君李齊賢卒八月元命皇太子摠天下兵
馬初太子在太原欲援靈武故事擴廓不從故太子
銜之及屢促出師南征擴廓殺使臣而跋扈之跡
漸張乃命皇太子以中書令摠天下兵馬遣使來告九月
大明兵取平江路執張士誠以歸十七年戊申為洪
武元年春二月彗見于西方元史彗出畢昴王步幸辛晫家
秋七月日本遣使來聘八月大明兵入燕京元帝
奔上都令百官議通使大明初高皇帝既定南

方遣徐達常遇春北定中原以是歲春正月 皇帝
登寶位于南郊夏六月大軍自平瀾渡河三日而取
衛州五日而取相州七日而平彰德廣平八日而取
順德勢如破竹無不降附者秋七月師至通州元帝
大懼集皇后皇太子同議避兵伯顏不花慟哭曰天
下者世祖之天下也以死守奈何棄之不聽夜半開
建德門出居庸關北去如上都八月乙未王聞燕京
圍急以曹敏修為義靜州安慰使林堅味為安州巡
撫使 大明兵攻燕京克之淮王帖木兒不花丞相
慶童等死之元亡乙卯報至丁巳令百官議通使

大明十八年春二月元遣右丞豆利罕進王為右丞

相遣王重貴如元

時元帝駐應昌府在上都東北三百里

謝恩重貴不

達而還夏四月

大明皇帝遣符寶郎僕斯賜璽書

曰大明皇帝致書高麗國王自有宋失御元非我類

入主中國百有餘年天厭其昏淫亦用隕絕其命當

羣雄初起時朕為淮右布衣荷天之靈授以文武東

渡江左習養民之道十有四年西平偽漢東縛吳王

南定閩越北逐胡君肅清華夏復我中國之疆今年

春正月臣民推戴即皇帝位定有天下之號曰大明

建元洪武遣使涉海洋報王知之斯以去年十一月

發金陵今始至即遜之弟也夏五月停至正年號遣
禮部尚書洪尚載上護軍李夏生奉表如金陵賀登
極六月 皇帝遣宦者金麗淵致書曰幽燕之民南
來就食內有高麗民百六十五人豈無鄉里骨肉之
思朕甚憫焉即欲遣使護送東歸麗淵亦麗人言有
毋在故就令其行改官制遣尚書成准得金甲兩賀
聖節及千秋節張子溫賀正仍請賜本國朝賀儀注
北元兵王淮王遣使來聘倭掠寧州溫水禮山沔州
漕船盧言奉元詔至殺之黃州李仁任為都統使賜
蠶以遣之王嘗巡御西京製大蠶 東西北面要害多
置官守衛以時致祭

置萬戶千戶令諸將擊東寧府以絕北元十九年春
正月我 太祖引兵踰雪寒嶺渡鴨江氣漫空同知
東寧府李吾魯帖木兒出降獲元樞密拜住諸城皆
款附歸者如市東至皇城北至東寧府西至于海為
之一空丙辰親祀園丘夏四月 帝遣道士徐師昊
來祭高麗首山水 帝齋戒七日製祝文臨朝以香
授師昊將命來祭訖立碑于都城南楓川會賓門外
師昊之來也王疑道士行壓勝之術稱疾不出命百
官迎詔五月 帝遣尚寶丞僕斯來錫王命賜大統
曆成准得還自 京師 帝賜璽書曰近者使歸問

國王之政言王惟務釋氏之道問城郭何如言有民無城問甲兵何如言未甚嚴肅若果如是深為王慮也朕雖德薄為中國王王已稱臣修貢所以持危之道不可不諭王知之中古以來王公設險以守其國為國者未嘗去兵而今王有民無城武備不修則何以為國乎歷代之君惟行仁義禮樂可以化民成俗今王舍而不務日以持齋守戒為事不崇王道而崇佛道失其要矣朕幼嘗為僧禪講亦參究惟聞有佛而已度死超生未見盡驗古今務釋氏而成國家者實未之有梁武之事可為明鑑聞王欲制法服以奉

宗廟今賜王冠服樂器至可領也又賜王六經四書通鑑漢書皇后賜王妃冠服六月 帝封諸子遣禮部主事祠禮來頒詔又遣侍儀舍人卜謙來頒科舉程式秋七月始行洪武年號詔去山川封號遣三司左司姜師贊如京師謝冊命納元賜金印仍稟耽羅事前朝所放馬騾子乞令濟州官吏照元籍責付土人牧養時節進獻 帝遣中書省宣使孟原哲來詔曰左副將軍李文忠遣使來奏五月十六日率兵北至沙漠於應昌府獲買的里八剌知庚申之君已於四月歿於應昌中書上言宜將其孫獻俘於太廟朕

心思之深有不忍其君之亡係于天運所遺幼孫若
行獻俘如殃其身朕所不為也况朕本元民天下之
亂實非朕始今定四海休息吾民於田里非朕所能
亦天運所致也尚慮臣民未知朕意是用播告天下
遣工部尚書權鈞如京師賀正舉子朴實金濤柳伯
濡從行濤中制科元擴廓帖木兒遣使來二十年春
二月女真千戶李豆蘭帖木兒來降夏四月遼陽行
省平章劉益以金復益海等歸附 大明 帝以為
本衛指揮太白晝見夏五月長沙監務李存吾卒秋
七月倭寇禮成江辛晁謀叛伏誅初晁以頭陀行見

信於王既納金蘭女畜妾無算卿大夫妻貌美者必
密招私之凡在朝者希恩怵威爭獻贓獲寶玉王猶
以不受賂不近色不置田園信重之晁恣行威福恩
讎必報世家大族誅殺殆盡出則侍中以下擁前後
道路為之填塞黨與滿朝先是元使乞徹至問爾國
有權王何在晁於八關會攝王受羣臣朝于儀鳳樓
至是晁知王有不自安之意恐王覺而誅之遂謀不
軌王謁憲陵宗晁令壯士設伏道旁更謀刻日舉
事門客李韜陰籍記之為書投金續命第上聞捕晁
黨鞫之俱服誅晁夷其黨以侍中柳濯黨於晁亦殺

之召還慶平與安祐李珣尹承順于貶所召牟尼奴
納太后殿遣姜仲祥鄭思道洪仲元如京師思道船
著淺不得前韓邦彥船滄沒咨中書省乞於金復州
涉海經由遼東達于京師羅州牧使李進修上疏請
去內宰樞王嘉之除判典校寺事八月以惠勤懶翁為
玉師冬十月親饗太廟復置鷹坊吏部上言請罷許
之二十一年春二月遣趙仁璧討家州屠之三月遣
洪師範賀平蜀請遣子弟入學遣張子溫請討耽羅
夏五月 帝遣院使延達麻失里孫內侍將陳理明
昇家屬來詔曰就將那陳皇帝老少夏皇帝老少去

王京不做軍不做民間住他自過活右丞相汪廣洋
致書曰可則畱之不可則便發還理昇詣闕拜于階
上昇年十八理年二十二孫內侍自縊于佛恩寺秋
九月張子溫具李南還 帝親諭子溫等曰聞耽羅
地面倭賊縱橫若牧子與倭賊相合勦捕較難有女
真在其東北須用心隄防又聽得倭國家疑惑自古
天下有中國有外國况如高麗是守分者有甚疑惑
如隋煬帝枉興兵革我心裏最嫌仍手詔曰耽羅牧
子所當誅討其速發兵以討事機緩急王其審圖之
置子弟衛王閱五軍於昇天府判事洪師祖不被甲

命杖之二十二年春二月北元遣使來王欲殺之羣
臣皆曰放還便以苧布附元使還作花園八角殿於
泥峴秋七月遣判事周英贊如京師英贊女曾入元
有龍封牟尼奴為江寧大君命白文寶田祿生鄭
樞等傳之姜仁裕金湑成元揆林完及書狀官鄭夢
周等回自京師中書省咨曰奉聖旨國王每年數次
遣人將金銀器皿等物來貢禮物未免勞煩百姓况
使臣經涉海洋甚是艱險如近洪師範遭風淪死我
想古來中國諸侯於天子每年一小聘三年一大聘
至如九州之外蕃邦遠國只每世一見不過納贄表

誠而已今高麗去中國稍近文物禮樂通經史與中
國相似難同其他蕃邦教他依著三年一聘之禮或
欲每世一見亦可今後方物只土產布子不過三五
對其餘都休將來其他蕃國如占城安南西洋鎖里
瓜哇勃泥三佛齊暹羅斛真臘等處新付國土說與
他只依古禮今後遇我生日及冬至各衙門諸國都
休將表文進來夢周於去年四月同師範到京師受
咨文二道一為平蜀及入學事一為雅樂鍾磬事也
八月還至海中許山遭風船敗師範溺死遂失咨文
夢周復如京師省官以鍾磬咨文草本遺失不許只

得平蜀及入學回咨以來咨曰子弟入學事奉聖旨
自有唐太宗朝故事然涉海萬里隔離鄉土爲父母
必懷其子爲人子必思其親殊可念也熟議以來冬
十月遣密直副使周英贊如京師賀正進陳情表曰
載惟小國僻在荒陬肇自古初局於風氣文辭則僅
達其所蘊言語則必譯而乃通鼓篋升堂嘗欲遣六
七人之童子明經習律何緣得二三百之儒生矧謂
有窺覘之資安敢應招來之命其謝恩表曰竊念小
邦知尊中國如孩童必得其怙恃有聖人則爲之依
歸然由運蹇動輒謫興兩內侍旣聯牀而共眼何從

鳩殺老院使與同舟而相惡卒致禍延武衛乃有國
之常也視爲迎詔之不恭賓館無持兵之理也誣爲
典客者有備以至朝覲之駿奔皆謂覘伺之狙詐緣
疑飾似嫁禍圖危惟聖鑑之昭明洞羣情之曲直特
煩睿訓俾臣自新又凡敷奏之微皆賜允俞之厚降
之雅樂導以正音子弟入學則措置精浚風波覆舟
則錫與稠疊仍勅賤价還自坦途伏遇 皇帝陛下
以天地生物之心爲心以堯舜執中之道爲道羣庶
自消衆正皆植臣謹當佩服聖謨涵濡洪造庶無虧
於臣節恒上祝於皇齡英贊至慈恩島在靈溺死遣

張子溫如京師請賜火藥誅釋器二十三年春二月
慧見東方長丈餘遣密直副使鄭庇判事禹仁烈如
京師賀正請通陸路朝見又請方物仍舊上護軍周
誼謝璽書訓戒金甲雨請路表曰陪臣姜仁裕等奉
聖旨令復貢路不要海路來欽此差鄭庇經由定遼
衛進賀庇等回言定遼衛官推稱無聖旨勒令回還
臣卽差周英贊由海路入賀不期英贊躬被宣召而
在海遭風渰死向非定遼之沮遏豈有今日之尤違
伏望推柔遠之仁凡有奏陳許從便道事 帝遣禮
部主事林密孳牧大使蔡斌來王令韓邦彥徵進獻

馬于濟州州酋等曰何敢以世祖放畜之馬獻於大
明只送三百匹林密等大怒於是遣崔瑩討濟州平
之倭寇合浦燒軍營士卒死者五千餘人誅都巡問
使金鉉支解以徇慶復興爲門下侍中庇等至京師
帝受布六對餘悉付還焰焯事奉聖旨此等之物
處處有之皆是同天共日安得彼有此無你國但不
會修合耳且曰中國火藥預備雖多需用朝貢道路亦廣豈有中國而資外邦之理三年一聘從海道來誅金甲雨甲雨進馬五十一匹至京師無二匹將一匹
稱爲巴馬欲獻東宮秋九月宦者崔萬生倖臣洪倫
等弒王王自魯國薨逝悲思成疾雖納諸妃置諸別

宮不敢近置子弟衛選年少貌美者洪倫韓安權璿
洪寬盧瑄等以淫穢得幸令代言金興慶摠之大起
公主影殿窮極侈麗及其既成觀之大怒卽命撤而
改營如是者四五故十年而不成鸞頭用黃金六百
兩飾之方始愜意伐礎石大如屋石吼聲如牛壓死
者相枕於道召元朝梓人元世于濟州更營影殿世
言於宰輔曰元皇帝好興土木及天下大亂乃令吾
輩營宮耽羅欲爲避亂之計功未訖而元亡吾輩失
衣食今被徵以來誠幸也然元以天下之大勞民以
亡高麗雖大其能不失民心乎盍以白諸王諸宰撫

然王朝太后太后曰影殿壯麗天下罕比勞民傷財
莫甚焉水旱灾害靡不由此請罷其役金興慶諸
子弟日夜在宮不得歸家豈不怨王王嘗偏信賊咄
不聽予言幾至誤國今又若爾何邪王不悅彗出后
三復言之對曰謹從命王令倫等強汗諸妃冀其生
男以爲己子至是萬生侍王如廁告曰益妃與洪倫
合而有身已五月矣王曰明日將殺倫以滅口汝知
此謀亦不免萬生懼是夜與倫等謀乘王醉手刃之
呼曰賊自外至矣黎明李仁任入見屏障及萬生衣
上有蹠血痕下萬生獄鞫之得其狀百官會于市鞫

萬生倫斬韓安權璿洪寬等並流父兄親黨王性嚴
重動容中禮晚年猜暴荒惑卒及於禍壽四十五葬
于正陵之西號玄陵辛禍二年謚曰仁文義武勇智
明烈敬孝大王十一年 大明賜謚曰恭愍
史臣贊曰王之未立也聰明仁厚民望咸歸焉及卽
位勵精圖治中外大悅想望太平自魯國薨逝過哀
喪志委政辛晡逐殺勳賢大興土木以斂民怨狎昵
頑童以逞淫穢使酒無時毆擊左右又患無嗣既取
他人子爲大君而慮外人不信密令嬖臣汗辱後宮
及其有身欲殺其人以滅口悖亂如此欲免得乎

恭讓王世家

恭讓王諱瑤定原府院君鈞之子神宗七世孫母曰
國大妃王氏忠穆王之曾孫也封定昌府
院君辛昌元年十一月戊寅遷禍江陵府我 太祖
與判三司沈德符贊成事池湧奇鄭夢周政堂文學
僕長壽評理成石璘知門下府事趙浚判慈惠府事
朴歲密直府使鄭道傳會興國寺大陳兵威議曰禍
昌父子本非王氏今 天子知之當擇立宗室以復
王氏敢有異議者死衆從之是時王氏宗室在者不
多瑤於屬疎而係忠烈外派故常稱近屬衆欲立瑤

浚曰定昌君生長富貴能於治財不能於治國石璘
曰立君當擇賢何更論屬之親疎於是書宗室數人
名詣啓明殿告太祖揆籌乃得瑤名翌早我太祖
及八臣率宗親文武百官六衛之士詣定妃宮奉妃
教廢昌迎立瑤瑤驚懼而辭定妃手授國璽元年已
巳爲洪武二十二年冬十一月王卽位於壽昌宮王
素柔懦且知國勢已去方夜不眠顧左右泣曰予平
生衣食使令皆足乃今負荷如此予不知所爲庚辰
尊母王氏爲福寧宮主封廬氏爲順妃長子璉爲世
子甲申裸于太廟還宮猶不南向而坐判門下李穡

進曰上巳告卽位今不南面無以答臣民之望王始
許之語諸臣曰余本無功德固辭不獲得忝大位卿
等善爲之因潛然涕下遣順安君昉同知事趙胖如
京師告卽位奏曰高麗國定昌府院君臣王瑤謹奏
臣係始祖王建正派神王暉七代之孫洪武二十二
年十一月十五日宗戚臣濟等以爲恭愍王薨逝無
嗣辛禡父子實爲異姓而王氏之祀不可無主乃以
臣於宗屬最近且長俾臣權國竊見洪武七年李仁
任等擅立異姓以來政教乖方習俗浮薄臣願使之
漸摩聖化欽望聖慈許臣親朝面奏以安一國之民

並進啓本于皇太子十二月廢曹敏修爲庶人流李
穡及其子種學李崇仁河崙諫官請誅禍昌不許司
宰副令尹會宗請誅辛氏王歷問諸宰臣皆默然我
太祖獨曰此事旣以安置江陵聞于朝不可中變
且臣等在禍雖欲爲亂得乎王曰禍多殺無辜宜其
及也遣政堂文學徐鉤衡于江陵誅禍藝文館大提
學柳玃于江華誅昌賜九功臣錄券一依開國功臣
例稱中興功臣二年春正月追封四代考妣置積慶
園開經筵以沈德符及我太祖領經筵事鄭夢周
鄭道傳知經筵事世子開書筵以趙浚徐鉤衡李至

姜淮伯爲師傅

先是不敢稱經筵至是始稱之

罷臺諫面啓之法誅

邊安烈三月放禮曹判書尹紹宗于錦州我太祖
以疾辭不許教褒九功臣錄回軍功沈德符以下四
十五人皆賜功臣號尊福寧宮主爲三韓國大妃殿
曰貞明遣密直柳爰廷如京師流王安德于豐州九
功臣上書辭職命九功臣視事夏五月王昉趙胖等
還自京師有尹彞者宰相有麟從弟也嘗爲僧犯賊
亾入上國自稱坡平君與中郎將李初俱謁帝言
高麗李侍中立瑤爲主瑤實非宗室乃其姻親也
瑤與李讜謀勒兵將犯大朝宰相李穡等以爲

不可即將李穡等十人殺害又將禹玄寶等九人遠
流其在貶宰相等潛遣我兩人來告 天子請命親
王動天下兵歸定東國 帝不之信及昉等至召詣
禮部語之故乃出穡初所記穡等姓名昉與胖還報
王大驚下禹玄寶權仲和慶補張夏洪仁桂尹有麟
崔公折等巡軍拘李穡李琳禹仁烈李仁敏鄭地李
崇仁權近李種學李貴生等于清州鞠之有麟死獄
中梟于市籍其家公哲仁桂亦皆尋死遣鄭道傳奏
曰穡初事臣不敢先辨乞差王官究問後 帝察其
誣流穡初於溧水縣慰安東國而本國自有麟之死

獄禍蔓延將相大臣辭連者數十家訖于國公其禍
不息秋七月太白晝見終月倭寇西海楊廣全羅道
琉球國中山王察度遣人稱臣奉表獻土物諫官鄭
寓崔云嗣李蟠權堧等罷丙午遷都于漢陽命安宗
源尹虎畱守松都百官分司發行之夕大風雨震電
人畜有凍死者庚戌駕至漢陽冬十一月宥禹玄寶
李穡等西京人尹龜澤告金宗衍沈德符謀害我
太祖 太祖上章力辭乃以我 太祖領三司事鄭
夢周守門下侍中池湧奇判三司事裴克廉僕長壽
並贊成事遣安叔老聘于燕王王答曰臣子無外交

之理然却之必艱人意謹以狀聞于父皇以通三韓之意寵沈德符以我太祖爲侍中流池湧竒村歲鄭熙啓尹師德等十二月流德符誅宗衍自竹州移國史于忠州三年春正月王在漢陽新都草創省府廨舍未就百司諸衛僑寓旅次皆愁歎思歸刑曹判書安瑗等上書曰爲國之本在乎察事情王政之所當先也今者遷幸之際所損實多行者疲於奔走居者依於草莽彼此騷然誠亦難堪術士之言曰近年災怪屢見皆緣地德之衰巡行南京則災可弭也夫何駐蹕之初惡獸損傷人物潛謀不軌獄禍繼作變

怪荐見迄用未息術士之言寧足信乎與其任術數而邀遐福孰若修德政而祇天戒乎願殿下上察天時下稽人事卽命旋還京國則民庶得安土之樂從官無失所之歎惟殿下裁之主乃還二月丁卯至自南京殺王益富流池湧竒籍其家中郎將房士良上時務十一事請金得培安祐李芳實朴尚衷等追加褒贈王浚納拜士良刑曹正郎我太祖如平州溫井上箋辭曰臣於丙申六月陪先臣其受命玄陵平雙城復舊疆開拓青州悉入版圖使國家無東顧之憂玄陵嘉之拜先臣榮祿大夫擢臣不次年未三十

位至宰輔然無所補夙夜憂懼戊辰猾夏之變臣倡義回軍再定宗社是則人以爲擅兵己巳之冬革僞姓復國家之正統是則人以爲執權今爲諸軍事養兵以靜鎮伏姦雄人且以爲耗軍資物議紛紜難以辨明功微賞鉅人所忌疾召公曰臣固以寵利居成功四時之序成功者去自然之理臣亦不宜久妨賢路乞歸田里以保餘齡臣之願也王遣左代言李詹于平州溫諭不許以我太祖復爲侍中夏四月慧見十餘日避帝諱禁用元字帝遣宦者韓龍黃禿蠻來求馬一萬匹宦者二百人旱下教求言王自

在潛邸好佛事及卽位憂懼彌甚日以設齋祈福爲事每月朔望於宮中招僧講經每四時於十三所建道場以禳之糜費不可勝紀大臣臺諫多諫者王終不聽嘗語講讀官柳伯濡曰予於中宮之病供藥師法席夜夢一僧翼日而愈佛豈虛哉伯濡對曰儒不必甚斥佛也斥之以人君恃佛而怠於政事也至是郎舍許應等上疏曰上有好者下必有甚焉人君好惡不可不慎殿下初卽位中外未知殿下所好爲何事及殿下創演福旣廢之塔臣民之望始缺矣釋氏之道無父無君裔戎之教三代之盛未之有也殿下

有志於三代之理而反行裔夷之教乎斯役也聖心
或以謂不勞民力而役遊手不費國用而資捨施然
木石磚瓦銅鐵之費累鉅萬其遊手之食捨施之物
非吾民之恒產乎民失恒產國何以保願殿下罷可
已之役厚萬民之生擇其所好以副臣民之望吏曹
判書鄭摠上書曰浮屠之教敗倫滅理非人主之所
尚也佛圖澄不能存趙鳩摩羅什不能存秦梁武齊
襄未免於禍殷鑑昭然可以爲戒而殿下何其崇信
太過爲此無益之費以取識者之譏乎王不悅典醫
副正金瑬希旨上書曰太祖創業觀山水之逆順察

地脈之續斷創寺造佛禳災集禧此三韓基業之根
本也俗儒淺見不識大體徒以破寺斥僧爲懷噫聖
祖創業之濇智反不如豎儒之詐乎前判書鄭士侗
亦上書以爲佛法福利國家誠宜崇奉以興其教王
濇納其言於是成均生員朴礎等上疏極斥佛法且
論金瑬逢君佞佛之罪請褫諸都市以示萬世王大
怒將究問鄭夢周諫乃止六月以安魯生爲西北面
察訪使時邊禁弛商賈潛行魯生至斬其魁十餘
人餘悉杖配水軍沒入其貨自是邊境肅然無復有
犯禁者遣贊成事趙浚如京師自鄭道傳上書都堂

請誅李穡禹玄寶繼而言者亦多王流穡以姻家庇
玄寶臺諫文章請寬玄寶疏三上皆畱中召我 太
宗使白 太祖禁止臺諫 太祖使 太宗上書解
職曰今諸辭連之人招證已明故臺諫自上疏請罪
耳而命臣禁之是疑臣使之也顧臣不才不宜當大
任乞選賢良代之王謂 太宗曰侍中狀辭出予意
料之外予以無能在位 侍中推戴之力也仰 侍
中如父 侍中何負我乎諸罪人情跡未明 侍中
亦以為然予乃赦之今者臺臣更舉赦前事請罪故
令卿往告耳 侍中必欲辭退予亦何敢居此位乎

因泣下指天為誓令 太宗還諭就職 太祖固辭
秋七月暹羅斛國入貢在日本東萬里程鄭夢周請令
省憲刑曹議定立昌迎禍宗衍彝初益富之黨五罪
王可之諫官許應等請於燕安時毋得引見潛邸舊
僚以遠邪說令諫臣更日入侍經筵亦許之我 太
祖詣闕拜謝王勞慰甚勤翼日幸我 太祖第置酒
後五日 太祖與神德王后享王及夜柳曼殊鎖門
太宗奉 太祖出門已閉使金直開門乃還明日
王怒逮直 太祖詣王謝王宥直癸亥冊順妃已巳
冊世子日本九州節度使源了俊遣使來朝元良哈

來朝遣金之鐸如京師獻馬二千五百匹築京都內
城九月倭寇楊廣道遣世子奭如京師表辭稱長男
定城君沈德符僕長壽閔開等從行因遣商人金仁
用等於北平買羊諫官許應等上疏曰買羊上國固
非崇儉之美意况當世子朝見尤未合理殿下遣世
子跋涉萬里為社稷生民計也使商賈繼踵而行見
者將以世子之行為行商之階臣恐見笑於中國也
繕修都城雖出於安不忘危然今年水旱霜雹疾疫
並興又有貢馬萬匹之命加以尊城開河之役建
康議於安與鑿渠以中外騷然乞都城之役一皆停
避海壽之險竟未就

罷以待明年命下都堂擬議施行放鄭道傳于奉化
縣尋移配羅州南閭稱疾免遣宋文中報聘于日本
以我 太祖及鄭夢周金士衡為人物推辨都監提
調官判開城府事鄭地卒日本國僧玄教遣道本等
獻土物稱臣奉表道本言中國責日本不稱臣日本
對曰天下者天下之天下豈一人之天下終不稱臣
今乃稱臣於大國乃慕義也兀良哈及幹都里來朝
爭舍館幹都里曰昔尹侍中平吾土立碑曰高麗地
境吾等皆境內人民慕 諸軍事威信而來耳雖處
以 諸軍事廡廊之側亦云榮矣况此萃屋有何東

西之別乎遂不與爭是時高麗衰弱不可復振而我
太祖威望隱然動於中國由是島夷東蕃貢篚相望
太祖享幹都里等於私第厚加接慰諸酋皆感泣因
令招諭蒙骨實憐八鄰押蘭罕魯別兀的原係公嶮
地面悉皆款附冬十一月 帝遣宦者唐完者篤來
詔曰三韓之地君臣持亂二紀于茲舊歲來告復立
王氏令特遣往勞十二月以李穡為韓山府院君禹
玄寶為丹山府院君姜淮伯為政堂文學李詹知申
事金震陽李擴為左右常侍李來為司議徐甄為掌
令李敢為獻納四年春正月賀 帝正于壽昌宮二

月鄭夢周進所撰新定律書全羅觀察使河崙書朱
文公仁說作屏以獻春秋館上疏請日二人八侍記
事令於經筵及衙日各司啓事時八侍丙子彗見竟
天遣判書劉信如京師納馬一千匹庚辰彗見三月
世子還自京師我 太祖出迎于黃州自戊辰回軍
鄭道傳南閭趙浚尹紹宗等知天命有歸密有推戴
之意高麗世臣舊家多不附者道傳等極力排之及
鄭夢周作相國勢已去夢周以忠義自奮因他事先
黜紹宗至是悉論閭道傳等黜之召還李穡禹玄寶
等悉引一時名節之士列據臺閣稍以自強會我

太祖自黃州獵於海州墜馬病篤王御經筵聞之遣醫饋藥講讀官李擴曰 諸軍事國之長城脫致重傷非國之福也王廢書不答夢周獨有喜色欲乘間圖之退而屬金震陽等乞將閻浚道傳等俱正典刑王不從令削其爵流遠地夏四月我 太祖自海州輿疾夜還夢周為謀益急 太宗欲去夢周不敢白太祖夢周詰 太祖第還趙英珪擊殺夢周於善竹橋是日臺臣金震陽李擴李來李政權弘鄭熙金畝徐甄李作李申及李崇仁李種學趙瑚等皆杖流明日召還浚閻道傳浚等削職六日而復放李穡

于韓州流李詹李士穎姜淮伯柳沂等五月大司憲閔開等疏曰 開國伯倡義回軍興復王室功烈落落永世不忘趙浚等臨事盡節奮義贊襄革除舊弊一心夾輔而鄭夢周本係庸人 開國伯以為達古書生濛加獎拔代以已任夢周貪饕富貴恣行貨賄抗直忤已者一皆斥去阿諛諂已者布列朝廷縱情逞欲媚疾忠勳欲害浚閻諸人以及於 開國伯萬一得成其計必致傾危社稷禍不可測同謀黨與不可置而不問僕長壽李茂李彬金履本以犴狴之人結黨夢周枉陷忠良安魯生崔關金瞻素無節行諂

事夢周乞收職牒遠流從之並流禹玄寶等遣評理
金湊如京師表請 詔命秋七月王召司藝趙庸曰
予將與 李侍中同盟草盟書而來庸對曰列國同
盟則古有之矣君與臣盟無經籍可據王曰第草之
庸退而草進辛卯王將幸我 太祖第置酒同盟儀
衛已列右侍中裴克廉等白王大妃曰今王昏暗失
君道人心已去不可以為社稷生靈主請廢之遣同
知密直南閤門下評理鄭熙啓胥定妃教詣北泉洞
時坐宮令左副代言韓尚敬讀教王俯伏聽命獻納
宋因下庭讀諭百司王遜于原州妃嬪世子從行尋

十 移杆城郡後三年甲戌薨于三陟府在位四年壽五

史氏贊曰高麗之末異姓竊位王氏宗廟不血食者
十有六年幸而擇立宗英以復國家之正統庶幾勵
精圖理撥亂世而反之正也夫何踐阼之初憂愁涕
泣不敢南面無異於盆子之刮席矣崇信佛法冀獲
冥報建醮飯僧殆無虛月府庫由是而罄竭忠言亦
因而踈棄政事皆謬舉措顛沛人心離矣天命去矣
使王氏五百歲之宗社不祀忽諸悲夫

